



सानसेयारि 'बड'सा' खरीरालाइयाव समज्यादि जिज्जो लोब्बा थावाय रायथाय, खन्थाय, सल', सल'बाथा आरु हावबायादि थावनि, पार्क बाइदिनि स्यायाव लिन्नाय लिन्नाय दैथाय डर/ सानसेयारि 'बड'सा' खरीरालाइया सेबरानानै फोसावदिदो।

बड'सायाव लिन्नाययि दुबा खालाम, 'बड'सा' खरी नोथां, जो बयबो आंगो खालाम।

सानसेयारि बड'सा मावखुनि

माडबं नोगोर, जोहोलाव दैमालु लामा

कक्राझार, बिदिसि-783370

Website: www.bodosanewspaper.com

BODOSA ★ A Bodo News Daily ★ Friday ★ 19 April, 2024 Kokrajhar, BTC, Assam ★ Vol.- 34, Issue No. 23 ★ R.N.I. Regd.No. 40994/91, Assam Govt. Regd.No. IPRD.40/2006/3, ★ Rs.8/-

## आथिखालाव दिल्ली आरो जॉनि गोर्बोआ बिटिआरनि बारा गोजान नंलिया: जे.पि नाड्डा

एनडिएनि बिजाथि जयन्त बसुमतारिनि जानानै जे.पि नाड्डाआ बिसायख 'थि फोसावदिदो



कक्राझार, 18 एप्रिल: बिजेपिनि माहारियारि आफादगिरि जे.पि नाड्डा नि नुजाथिनायखौ लानानै दिने कक्राझारआव सुबुनि बाना जानायखौ नुनो मोन्दो। मिबथिनो मोन्नाय बायदिब्ला, बर' राजखान्थिनि मैखोम एबा बर' भतर बियाब महैर मिबथिसार जानाय 1. नं कक्राझार बियाबनि एनडिएनि बिजाथि जयन्त बसुमतारिनि जानानै बिजेपिनि



माहारियारि आफादगिरि जे.पि नाड्डा बिसायख 'थि फोसावदि हाबाफारि सामलायनो नुजाथिफैदो। मख 'नो गोनादि, हाबाफारि बायदिबै कक्राझारआव 11:40 रिगायाव हेलिकप्टरजो जे.पि नाड्डा नुजाथिनांगोमोनब्लाबो खावसे घन्टा गोबावजोसो नुजाथिनो हायो। माहारियारि आफादगिरिखौ बिहु, बर' माहारिनि बागुरुमबा मोसानाय, गखां



मोसानाय, आदिबासि मोसानाय, कच राजबसिनि मोसानाय आरो राभा मोसानायनि बायदि हाबाफारिजो जौसासिम दुबुदयै बरयनानै लांनयखौ नुनो मोनो। जौसाडव माहारियारि आफादगिरि नाड्डाखौ इन्दि-सीनि कट आरो बर' माहारिनि गान्नाय-जोमनाय, सेरजा बायदिजो मान बाडनाय जायो। मख 'नो गोनादि, कक्राझार लकसभा बियाबआव

## मदिनि गेरेंटि-मामानि गेरेंटिआ 100 बोसोरसिम थागोन: गिबि मन्थि राइज्योआव फिन 50 रोजा लाइमोनफोरनो साखि होबावगोन

गुवाहाटी, 18 एप्रिल: दुलाराय हादतआवनो आथिखालाव मोनसेल' सोदोब रिखादो बेनो जाबाय मदि। हिन्दु, मुसलमान, क्रिष्टियान मोनफोमबो हारि-हारिसाफोरनि खुगायाव मदिनि' मुं रिखादो। दिल्लीआव मदि आरो दिजपुरआव मामा। गोजाम रंआ जेरै र्खानआव सोलिया



बेबायदिनो कं ग्रे सआबो आथिखालाव सुबुफोर कंग्रेसखो आथिखालाव सोलियै गोजाम सिनायलिया। कृ पानाथ नट बायदि थासारियावसो दड। (□ 5 बिलाइआव)

## नब कुमार शरनियाआ बिसायख 'थि गेलेनो हालिया: जनकलाल बसुमतारि

कक्राझार, 18 एप्रिल: कक्राझार लकसभा बियाबआव बे खेबआव नब कुमार शरनियानि बादायलायनो मोन्नाया जोबोर गोजाननि बाथा। एमपि नब कुमार



दिने राइज्योयाव सेथि खोलोबनि लकसभा बिसायख 'थि खुंजागोन, जायगायारि बन्द' फोसावदो

गुवाहाटी, 18 एप्रिल: लकसभा बिसायख 'थिनि थिखनाय सम-फारि बायदिबै गाबोन आसामआव सेथि खोलोबनि बिसायख 'थि खुंजागोन। आसामआव बे खेबयाव खेबथाम खोलोबयाव लकसभा बिसायख 'थिआ खुंजागोन। राइज्योआव सेथि खोलोबनि बिसायख 'थि खुंजागोन गोनां बियाबफोरखुं थुथाया जायगायारि बन्द' फोसावदो। सेथि खोलोबनि बिसायख 'थिआ काजिरड, सनितपुर, लक्ष्मीपुर, डिब्रुगड, जरहात लकसभा बियाबआव खुंजागोन। मख 'नो गोनादि, गाबोन एबा 19 एप्रिलखालि थिखनाय लकसभा बियाब ओन्सोलफोरखुं (□ 5 बिलाइआव)

## मदिनि दैदेनायाव गासै आसाम नाडै गोजोन थासारि सोमजिदो: जे.पि. नाड्डा

गुवाहाटी, 18 एप्रिल: फैगो लकसभा बिसायख 'थिनि अक्टआ जेसेबां खाथि जाबोदो, बेजो लोगोसेनो बिसायख 'थियारि थासारिआ दुहाव जानो लादो। दिने बृहस्पतिवारखालि दर-उदालगुरि लकसभा बियाबआव बिजेपिनि माहारियारि आफादगिरि जे.पि. नाड्डाआ बिजाथि दिलिप शङ्कियानि हेफाजाबाव बिसायख 'थि फोसावदिनाय गौमायाव बाहागो लादो। (□ 5 बिलाइआव)

## बिजनी फरायसालिमायाव गुरुदेव कालिचरण ब्रह्मनि जोनोम सान फालिदो



बिजनी, 18 एप्रिल: चिरानि बिजनी फरायसालिमायाव गुरुदेव कालिचरण ब्रह्मनि जोनोम सानखौ सानसेनि हाबाफारिजो गाजा-गोमजायै फालिनाय जादो। बिजनी फरायसालिमानि गोरायुं डु बिरहासगिरि बसुमतारिनि बेखेव बिबुंथिजो हाबाफारिया जागायजेनो। हाबाफारियाव बड' बिफाननि लोगो बिबुंगोरा डु गोमोम ब्रह्म कछरि आरो जुल 'जि (□ 5 बिलाइआव)

## अरुनदय बिथांखिनि नंखाय आर'जलाइ रान्नानै बिजेपिआ भट बिनो नाजादो: दुर्गा दास बर'

हाग्रामा महिलारिनि नुजाथिनायाव दुर्गा दास बर'आ बिसायख 'थि फोसावदिदो

बाक्सा, 18 एप्रिल: बिजेपिनि मावफारियाफोरा नंखाय बाथा फोसावदिगासिनो दड। बिजेपिनि मावफारियाफोरा गामि-गामि भिसिडिसिनि गेजेरजो अरुनदय बिथांखिनि नंखाय आर'जलाइ रान्ना होनानै बिजेपिनो भट होनो थाखाय खावलायदो होन्ना अजद (□ 5 बिलाइआव)



## तामुलपुर आन्सलिक फरायसा आफादनि गोदान आफाद दादो

तामुलपुर, 18 एप्रिल: दुलाराय आसाम फरायसा आफादनि गुबुन मोनसे गोखो आन्सलिक आफाद महैर मिबथिजानाय तामुलपुर आन्सलिक फरायसा आफादआ बावैसोयाव खुंनाय 35 थि बोसोरारि जथुमयाव अभिनास कलिताखौ आफादगिरि आरो तुसार कलिताखौ गाहाइ नेहाथारि महैर सायख 'नाय जायो। मख 'नो गोनादि, असमीया माइथाय 1 बैसाग अक्टखालिनो तामुलपुर आन्सलिक फरायसा आफादआ सानसेनि हाबाफारिजो र्खालि बिहु फालिनायजो लोगोसे 35 थि बोसोरारि जथुम्माखौबो खुंदो। तामुलपुर आन्सलिक फरायसा आफादनि आफादगिरि (□ 5 बिलाइआव)

## 1 नं. कक्राझार लकसभा बियाबआव सा 3 बिजाथिफोरा नमिनेसन लाइ थिसनबावबाय

कक्राझार, 18 एप्रिल: राइज्योयाव फे गो 7 मे अक्टखालि खुंजागोनो गोनां 3 थि खोलोबनि बिसायख 'थि सम-फारि खाथि बायदिबै दिने 1 नं. कक्राझार लकसभा बियाबनि थाखाय साथाम बिजाथिफोरा नमिनेसनलाइ गथायबाय। बिसोरो जाबाय एनडिएनि बिजाथि जयन्त बसुमतारि, तृनमुल कंग्रेसनि बिजाथि गौरि (□ 5 बिलाइआव)



## सुबुं गौमा आरो रड स्व 'नि गेजेरजो पनिभुषण चौधुरिआ बिजाथि लाइ गथायबाय

बडाइगाव, 18 एप्रिल: आथिखालाव भारतआ मुलुगनि 5थि थाखोनि रंखाथिनि दरसे हादत। फैगो 5 एबा 10 बोसोरारि जौ माबोरै मुलुगनि 3थि रंखाथिनि हादत जानो हायो बेखोसो सानखानांगो, बे बाथाखौ बुंदो मन्थि जयन्त मल्ल बरुवाआ। एनडिए जुथाइ दोलोनि बिजाथि पनिभुषण



चौधुरिनि बिजाथिलाइ गथायनायनि सिगां सुबुं गौमायाव बाहागो लानानै

मन्थिआ बेबायदि बिबुंथि लाखिनायखौ नुनो मोन्दो। सुबुं (□ 5 बिलाइआव)

लकसभा बिसायख 'थि 2024 3थि खोलोबनि थाखाय सा 12 बिजाथिफोरा नमिनेसन लाइ गथायबावबाय

दिसपुर, 18 एप्रिल: थामथि खोलोबयाव बिसायख 'थि खुंजागोनो गोनां दर ब्रै लकसभा बियाबनि थाखाय दिने गासै सा 12 बिजाथिफोरा गां 35 नमिनेसनलाइखौ गथायो। मख 'नो गोनादि, कक्राझार (□ 5 बिलाइआव)

सासे लाइमोन हिन्जावसाजो लोगोसे सानै ड्रग्स फालांगिरिखौ हमदो



भवानिपुर, 18 एप्रिल: सरुपेटा पुलिस आउट पस्टनि बेंखनाव थानाय हाजिरघाट सकआव थानाय मोनायाव ड्रग्सजो लोगोसे सानै ड्रग्स फालांगिरिखौ राइजो-राजाफोर आरो पुलिसआ हमनो हादो होन्ना खौरां मोन्नाय जादो। (□ 5 बिलाइआव)

## उरां-रौता माहारियारि लामायाव चालान गैयै बालाजो बुंफबनाय दाम्पार गारि हमदो

उदालगुरि, 18 एप्रिल: उदालगुरि जिल्लानि माजबात आन्सलिक हाग्रा बिफानआ चालान गैयै बालाजो बुंफबनाय गंसे दाम्पार गारि हमदो होन्ना खौरां मोन्नाय जादो। फुनि

समाव माजबात खोन्दोआरि हाग्रा बिफाननि रेन्जार जगदिश बसुमतारिनि बिथोन बायदिबै माजबात खोन्दोआरि हाग्रा बिफाननि बिबानगिरि कंगेश्वर नाथनि दैदेनायाव थानाय मोनसे

हान्जायाव उरां-रौता माहारियारि राजा लामायाव चालान गैयै गंसे दाम्पार गारिखौ नायबिजिरसंनो हमो। बे नायबिजिरसंनयाव हाग्रा मावफारियाफोर धोनसिनि (□ 5 बिलाइआव)

शभ 'लिन इमलियेन्ट

आरोबाव गोजो आरो बिगुरनि थाखाय लुमाम्फा गोनां

## सुजुगिरिनि खोलोम

### आबाद दैखानायनि गोनांथि सौफैबाय

गायनाय-फुनाया बर'फोरनि मोनसे हारिमु। बैसागु-दमासिया जैरै बर'फोरनि एंगारनो हाथावयै हारिमुयारि फोबों बिब्दिनो गायनाय-फुनायाबो रोखोमसे फोबोंनि महर मोन्दों। गायनाय-फुनायनि गेजेरजोंनो दिनैसिम बर'फोरनि थाना थानायनि गुदि आरो गाहाय रांखास्थियारि फुंखा। थालायै बुंनो थाडेव्ळा आबाद मावनानै दैज्ळानि दैज्ळां, मेसेंनि मेसें आबाद दिखानानै थाना थानायनि गासै राहा-लामाखौ आबादारिफ्रग वासरोनो दिहुनानै लाबोनांदों, आरो बेनो जौनि आबादारिफोरनि गुबै थांखि। जायनि थाखाय जौनि आबादारिफ्र फारफ्रमे बिथिनि खैदां-खैफोतखौ सौसिबोनानै दिनैसिम गावनि थाना थानायनि लामा बहनानै लानायजों लोगोसे गुबुनो आरो नखरनि फिसा-फिसौनि थाना थानायनि लामा बहनानै लाबोदों।

जौनि आबादारिफोरनि बे गोखों मावदिस्थिखौ नोजोर खालामोव्ळा गोनोखोयारी आदब बाहायनानै सोदानाय गोदान जोलै बेगर, हासार, मुलि, गाहाम दै जगायनायनि राहा-लामा आरो गोबां बिथिनि नेम खास्थिजों आबाद दैखानायनि खाबु लानो एबा मोन्नो हानायव्ळा एबा थुलुंगाखांथाव सुबुरुन, मदतआ गमामा आबाद जांखिखानाय लाबोनो हागोन होन्ना सानजाथाव।

दैज्ळानि गायनाय-फुनाय माइ-माइरंजोंल' आबादनि जांखिथाय लाबोनाया आद्रा थालानाय बादि जागोन। बेखायनो जौनि सानफ्रमेबोनि थाखाय नानाय माइ-माइरंजों लोगोसे दैज्ळानि दैज्ळां-मेसेडव मेसेंनि मेगं-थाइगं बाइदि रोखोम आबाद दिखानायनि गोनांथि दसै।

माइ-माइरं, मैगं-थाइगंआ जैरै गोनां बिब्दिनो गुबन आबादफ्रबो एंगारथावयै गोनां। मानसिनो नाडै-मुवा गैफेरा। नांगौनिबो जोबनो थाड। गान्नाय-जोमनाय, जानाय-लौनायनि अनगायैबो सानश्रं हायै मुवा बेसाद, हास्थायनाय जोबनो थाड मानसि माहारिनाव। बेखायनो गोनांसिन आबादजों उफ्रन आबादबो दिखानों लानाया गाहाम। आबाद फोथाराव मोनसेल' आबादखौ मोखां नायाजासे जाबथु आबाद दिखानानै गोबां मुलाफ्फायारी जानो हानाया जौनि नसुंसे राइजोयाव गोबां दसै। गय बारियाव गय बिफांजों लोगोसे नारें लेबु, आनारस, फाथै, हाइजें, हाल्दै, मसला फिथाय, फानलु, फान्थाव बाइदिसिना बाडइ समनि गेजेराव मोन्नो हानाय आबादफोरखौ दिखानायनि राहा लानो हायोव्ळा रांखास्थियारी बिथिडव हुंखा सुंथानो गोलैयै राहा मोन्नो हागौ। मेसें बोथोराव थाव बेगर बेसर, सिबिं, गुजि, देमसिफोरजों लोगोसे समान सम आरो बोथोर मोनसेयावनो दिखानो हानाय नाथाय गोबां दिहुनथायनि थाव बेगर सान फ्लावारफोरखौबो आबाद खालामनो लानांसिगौ।

गासै रोखोमनि आबाद दिखानानै सोरगिदिं जेरावबो जैरैबो आबाद जावरिखानाय लाबोनानै ओनसोलखौ अराय सोमखै खालामनायनि थांखि आरो मदतनि गोनांथि दसै।

## दिनैनि फान्जामुथि

### राशि बाइदियै मुनि गिबि हांखो

मेघ : अ ल वृष : ऊ ब (उ ए इ) मिथुन : क ङ (ङ घ) कर्कट : ड ह सिंह : म ट कन्या : प ट (ण ष) तुला : त र वृश्चिक : ब न धनु : ध भ (ङ फ) मकर : ख ज कुम्भ : ग श (स) मीन : द च (ख ज झ)

**मेघ:** फालांगि खालामनायाव रांखावरि खहा जानो हागौ। गोसोखौ शान्ति मोन्नाय नड।

**वृष:** नख र आव गोजोन्नाय गैयै सोमजिनो हागौ। गोसो ह्यथानानै सोलिनांगोन।

**मिथुन:** फरयगिरिफोर दावगालानो हागोन। माबाफोर मुवा-बेसादनि मुलाफ्फा मोन्नो हागोन। मोजां सान।

**कर्कट:** जेखियानो मावा मुलाफ्फा मोन्नो हागोन। फारफ्रमेबो मोजां।

**सिंह:** बायदिसिना रोखोमनि मुवा-बेसादजों सन्मान होजानो मोनगोन। गोजोन मोनगोन।

**कन्या:** मानिबा थाखाय दुखु-दाहा सैनांनो हागौ। गोजोन्नाय गैयैजों सम बारहोनांगोन।

**तुला:** दावबायनायाव मुलाफ्फा मोन्नो हागोन। गोजोनै सम बारहोनांगोन। मोजां सान।

**वृश्चिक:** लोगो जालायनाया बांगोन। लोगो-दिगिनिफ्राय हेफाजाब मोन्नो हागोन।

**धनु:** मानिबा थाखाय जिगा सिनांनो हागौ। गोसोखौ ह्यथानानै था।

**मकर:** फालांगि मावोबा मुलाफ्फा मोन्नो हागोन। दिनैनि दिनआ गाहाम सान।

**कुम्भ:** बायदिसिना जेनाखौ लानानै जिगा सिनांनो हागौ। गोजोन्नायखौ मोन्नाय नड।

**मीन:** माखौबा लानानै बिदा-फेबायनि गेजेराव दावराव-दावसि सोमजिनो हागौ।

## गुरुदेव कालीचरण ब्रह्म आरो बर'फोरनि सौलौंथाय, समाजआरि, राजखान्स्थियारि गुरुस्लायनाय

-अंकुर ब्रह्म  
मलतीझरा, बासबारी,  
पर्वतझरा

जागायनाय: जारिमिनआ मोनहास' हायै समनिफ्रायनो आसामनि थागिबि बर'माहारिया गावनि राव, हारिमु, धोराम, आसारखान्स्थि आरो सोदोमश्रीखौ लानानै गोदो गोदायनिफ्रायनो जुग जुगामि आलो गोजोनै आसामाव राइजो जाबोदोंमोन। बर'हा राइजो दंमोन आरो राजाबो दंमोन। बर'नि राजथावनिया दिमापुर, माइबं आरो खासपुर आवमोन। गुरुदेव कालीचरण ब्रह्मआ 'साइमन कमीशन'नो गोसोखां बिलाइ होनायाव मख'नाय बायदिव्ळा भारतनि महाकाब्य 'महाभारत'आव मख'जानाय भीम, भगदत्त, बालिराज बिसोर बर'फोलेरनिमोन। बिन उनाव गोबां बर'राजा-रानी, बिर जोहोलाव-जोहोलावजोआ आसामाव राइजो खुंबोदोंमोन। जैरै: कृष्ण चन्द्र, राजा गोबिन्द चन्द्र, तुलाराम सानथ्रि गाहाय, सिख्रा जोहोलाव, सोमदोन जोहोलाव, बासिराम जोहोलाव, थेंफाखि, गाम्भारि सिख्ळा, बिगौश्री, आरोबाव जानो हागौ गोबां थाबावगोन। जारिमिननि बायदिव्ळा 1826 माइथायाव जानाय इयाड्वाबु गोरवथानि उनाव बर'नि राइजोआ ब्रिटिशनि सिंङव थांदोंमोन। बर'नि जोबथा राजा गबिन्द चन्द्रआ 1830 माइथायाव रंसारि जायो। नाथाय ब्रिटिश सरकारआ तुलाराम सान्थ्रि गाहायनो सा-काछर जिलाखौ 1854 माइथायसिम सालायनो होबावदोंमोन होनानै खोनयो। नाथाय बे बायदि हारियानो राइजो आरो राजा गोमाजानानै गावस्त्रा-गावस्त्रि जानानै लेथेर-फेथेर जालांबायमोन। गुबुन हारिनि मानसिफोरजों मुगैजाबायमोन, नेवसिजाबायमोन, नासयजाबायमोन। म्लेच, उन्दै हारि, फिसा हारि आरो नेहात हारि होनानै सानजाबायमोन। बे बायदि थासारिनि गेजेरावनो तुलाराम सान्थ्रि गाहायआ रंसारि जानायनि 6 बोसोरनि उनाव बै समनि गवालपारा जिलानि सिंङव थानाय पर्वतझरा हालामनि काजिगामियाव बिफा खौला मेच आरो बिमा रंदिनि मेचनि गोबांआव 'गुरुदेव कालीचरण ब्रह्म'आ 1860 माइथायनि 18 एप्रिलआव बर'नि नख'राव अबतार बायदि जोनोम मोनदोंमोन।

2. सोलौंथायारि गुरुस्लायनाय: नोजोर होयोबा नुनो मोनोदि-गोदोनै समाव बर'फोरा बांसिन गामियाव राइजो जायोमोन आरो बर'फोरनि बांसिन गामियानो हाग्रा ओनसोलावमोन। बै समाव बर'फोर थानाय ओनसोलाव लामा गैया, दालां गैया आरो गरि मटर गैयामोन। बर'फोर राइजो जानानै थाग्रा ओनसोलाव फरायसालि गैयामोन। जाउनव बै समाव बर'फोरनि गेजेराव फरायनायनि थासारियाबो गैयामोन होनानै बुंजायो। बिनखायनो खाथि खालायाव फरायसालि गैयानि थाखाय गुरुदेव कालीचरण ब्रह्मनि बिफाया लेखा फोरोंनो थाखाय उन्दै समाव न'आवनो फोरोंगिरि लानानै फोरोंदोंमोन। गुरुदेवखौ न'आव फोरोंग्रा फोरोंगिरिनि मुंङनो जादोंमोन बिर नारायण सरकार। उनाव ब्रिटिशफोर फसनाय दतमा खाथिनि 'पुटिमारी गेजेर फरायसालि'याव फरायहेंदोंमोन। गुरुदेवआ जेव्ळा बा थाखोआव फरायदोंमोन बे समावनो बिफाया रंसारि जानायलाय न'आव थांफिननो गोनां जादोंमोन। बेनिफ्रायनो गुरुदेबनि फरायनायाबो शुंनदोंमोन। आसाम एबा भारत हादोदिनि सोलौंथायारि गुरुस्लायनाय बाश्रानि सायाव सावरायनो थांडेव्ळा रायखानो गुनां जायोदि-ब्रिटिशनि 'गुलुग सोलौंसालि' खान्स्थिजों भारतआव 'अलेकजेन्डर डफ' आ सोनाब बंगनि कलिकातायाव इराजी 1857 माइथायाव गिबिसिन 'मुलुग सोलौंसालि' गायसनदोंमोन। बे मुलुग सोलौंसालिनिफ्रायनो 1858 माइथायाव जदु नाथ बोस आरो बंकिम चंद्र चट्टाजी बिथामोनहा सानै गिबिसिन BA पास जादोंमोन। बिन उनाव भारतनि राष्ट्रीय संगित (मेथाइ) रोजाबगिरि नबेल बान्था मोनगिरि 'रबिन्द नाथ ठाकुर'नि बिदा गेद 'सत्येन्द्र नाथ ठाकुर'आ 1864 माइथायाव भारतनि गिबिसिन ICS पास जादोंमोन। बिन उनाव आसामनिफ्राइ गिबिसिन BA पास जानाय 'आनान्द राम बरुवा'आ 1870 माइथायाव भारतनि बाथि ICS पास जादोंमोन। उनाव लासैनो गासै आसाम राइजो आरो भारत हादोदआवनो सोलौंथायारि गुरुस्लायनाय फेदोंमोन। नाथाय बै समाव बर'हारिनि गेजेराव बिथं गेदेमाफोर बायदि गोजो थाखोनि सोलौंथाइ लानाय सबुं गैयामोन। बै समाव बर'फोरनि गेजेराव फरायनायनि थासारि गैयामोन। बिनखायनो जानो हागौ गुरुदेवआबो फरायनायनि थासारिखौ मोनाखैमोन गुरुदेवआ फरायनायखौ दोनानै बिफानि होलानाय हा-हु, धोन-दौलत आरो फालांगि गासिखौबो सामलायनो गोनां जायो। उनाव बैसो जानायलाय नख'रनि मानसिफ्र नख'र बेनो थाखाय गुरुदेवखौ खोमसि होननाय सिख्लाकों हाबा होदोंमोन। बिन उनाव गुरुदेवआ संसारि जानाय, गथ'-गथाय खानाय, नख'र बेनाय, समाजनि हाबा मावनाय बायदि बायदि हाबा मावनायाव नांथाबदोंमोन। गुरुदेवआ संसारिनि गासै बाश्राखौ बुजिनो हानानै गिबियावनो धोराम फोसावदोंमोन। बिन उनाव बर'फोरनि गेजेराव सोलौंथाय बिथिडव सांग्रांथि लाबोनो थाखाय बै समनि गवालपारा जिलानि डेपुटि कमिसनार ए जे लाइने साहाबनो दर्खास्ट होनानै 30 रोजा रं अनसुंथाय मोनानै टिपकाइ याव गेजेर फरायसालि गायसनदोंमोन। बे फरायसालिखौ उनि समाव सापटग्राम आव लांडे। गुरुदेवआ ब्रह्म धोरामखौ फोसावनायनि अनगायैबो सोलौंथाय बिथिडवबोदि जोबोद साग्रांथि दंमोन, बेनो मोनसे गेदेर फोरमान। बिन उनाव गुरुदेवआ बर'संग्रा सिख्लाफोरखौ लेखा फरायनायनि फासै सांग्रां खालामनो थाखाय 1915 माइथायाव 'गवालपारा जिला बर'सात्र सनमिलन' आफाद दादोंमोन। उनि समाव बे आफादखौ 'आसाम बर'सात्र सनमिलन' मुडै दानाय जादोंमोन। 1919 माइथायाव गेदेमा रुपनाथ ब्रह्म मोननि दैदेननायाव 'आसाम बर'सात्र सनमिलन' जथुम्माया गिबि खेबनि थाखाय कक्राझारआव जादोंमोन। मिथिनाय बायदिव्ळा बे जथुम्मानि गाहाय आलासियानो जादोंमोन गुरुदेव कालीचरण ब्रह्म। गुरुदेवआ उन्दै बैसोआव हाबा जानायनि बेरखामोन। ब्रह्म धोरामनि गोथार सास्त्र बिजाब भ्रमण ब्रतानि बिजाबनि 76 बिलाइ आरो 'अमृत सागर' गोथार सास्त्र बिजाबनि 351 बिलाइयाव लिरनाय दं-गथ'फोरखौ बा बोसोर बैसोनिफ्राय 20 बोसोर बैसोसिम सैथो सोलौंथाय आरो सैथो गियान होनांगौ। बिन उनावसो बैसो राब्ला

हाबा होनांगौ। उन्दै बोसोआव हाबा जाब्ला सोलौंथाय लानायाव हेंथा जायो। थाइजौ गोलेँ फिथाइनि मादानिफ्राय बिफां रज'आ, रज'बाबो गोगो जाया। मिजिक थिनाय बायदि फिथाइ थाइया होनानै सास्त्रआव लिरनाय दं। गुरुदेव कालीचरण ब्रह्मआ बर'सेग्रा सिख्लाफोरखौ लेखा गोरों जानो थुलुंगा होनानै गावनि 8 थि बोसोनाव बुंलांदोंमोन-सोलौंथाय नंडव्ळा सासे सुबुंङ जौगानो हाया आरो समाजआव जौगानाय फैया। गुरुदेव आ समाज फोसाबनायनि उनाव बर'फोरनि गेजेराव फरायनायनि थासारि सोमजिनायनि उनाव बर'फोरनि गेजेराव ब्रह्म धोराम सिबियारि न'खरनिफ्राय बर'हारिनि गेजेराव गिबिसिन BS पास जानाय, गिबिसिन LLB पास जानाय, गिबिसिन MLA जानो हानाय सुबुंङनो जादोंमोन गुरुदेवखौ मोजां मोनग्रा गेदेमा रुपनाथ ब्रह्म। उनि समाव पर्वतझरा ओनसोलनिफ्रायनो बर'हारिनि गेजेराव सतिश चन्द्र ब्रह्मआ गिबिसिन IAS पास जादोंमोन। मख'जाथावदि-पदमश्री डा. कामेश्वर ब्रह्म, डा. महेन चन्द्र ब्रह्म, सभा ब्रह्म, जोहोलाव निलेश्वर ब्रह्म, डा. राधा रानी ब्रह्म. आसामनि मोनसे समनि मन्त्री रेन्ड्र नारायण ब्रह्म आरो गोबां लेखा गोरों गेदेमा सुबुंफोरा पर्वतझरा हालामावनो जोनोम मोनदोंमोन। आथिखालाव बर'हारिनि गेजेराव गोबां लेखा गोरों सुबुंफोर दं। बिनखायनो गुरुदेव कालीचरण ब्रह्मनि बिहोमाजों बर'फोरनि गेजेराव सोलौंथायारि गुरुस्लायनाय फेदोंमोन होनानै बुंजायो।

3. समाजआरि गुरुस्लायनाय: गुरुदेव कालीचरण ब्रह्मआ गिबियाव बर'नि समाजखौ फोसावनो 1905 माइथायाव ब्रह्म धोरामखौ आजावनायै लादोंमोन आरो 1906 माइथायनिफ्राय ब्रह्म धोरामखौ फोसावजेनदोंमोन। बिन उनाव बर'नि समाजआव सोमजिनाय जेनाफोरखौ लानानै बायदि बायदि राहा लामा लानानै बर'नि समाजखौ फोसावनो नाजादोंमोन। बेनि गेजेराव गामियारि आफाद दानाय, आइजो आफाद दानाय मख'जाथाव। गुरुदेबनि दैदेननायाव 1921 माइथायाव बर'नि गेजेराव धोराम बासिनाय गैया गासै बर'फोरखौ खौसे खालामनायनि थांखिजों बै समनि गवालपारा जिलानि सिंङव थानाय 'भावरागुरी'याव गिबिसिन 'बर'महा सनमिलन' खुंदोंमोन। बेजों लोगोसे 'बर'नि पाण्डुलिपि' आइन बिजाबखौ (Boro Customary Law) 1934 माइथायाव सुजुनानै बर'फोरनि रायजो जानायाव सोमजिनाय जेनाफोरखौ फोसावनो राहा लामा लादोंमोन। बे आइन बिजाबाव गासै 126 डफा दं। बे आइन बिजाबाव लिरनाय नेम खास्थिनि गेजेरजोंनो बर'फोरा गोबाव सम राइजो जाबोदों। आइन बिजाबनि-दावखि बाद, खौलोबोद बाद, खावालि बाद, अग्रथ बाद आरो फंस्तथ बाद बेफोर बायदि खास्थिजों बर'नि गामियारि समाजआव सोमजिनाय दाय गोरोंस्थिफोरखौ बिजिर राहाया जोबोद मोजां होनानै सानथाव। बर'नि समाजखौ फोसावनो थाखाय "गुरुदेव"आ गासै जिब्रै बोसोन होलांदोंमोन। माखासे गाहायाव होनाय जाबा जेर-

1, नै नं बोसोनाव दं- बर'नि नखराव जौआ थागौमानि जौगानो हानाय नड। जौ लौनाया लक्षी हानि,अर्थ हानि,मान हानि जायो।  
2, ब्रै नं बोसोनाव दं- बर'फोर नौसोर सिखाव, डाकाइट, गुन्दाफोरखौ दामाव। सोरबा आबादारि, सोरबा साखि, सोरबा फालांगि मावदो, दानाय लुनाय फोरोंदो, लेखा गोरों जादो।  
3, बा नं बोसोनाव दं-आइ मावफ्राबो इसोर सिबिदो, उन्दैफोरखौ अन्दो, आरो अननो फोरोंदो, थार बाश्रा बुंदो आरो बुंनो फोरोंदो। गाव गावनि फिसाइखौ मान हो आरो अननाय होनानै गोजोन रायजो जादो।  
4, डाइन नं बोसोनाव दं-सोलौंथाइ नंडव्ळा सासे सुबुंङ जौगानो हाया आरो समाजआव जौगानाय फैया।  
5, जिब्रै नं बोसोनाव दं-सैथो हास्थायनाय, सैथो साननाय, सैथो बाश्रा बुंनाय आरो खौसेथियै थानो रौनाय जानांगौ।

"गुरुदेव"आ होलांनय "भ्रमन ब्रितान्त" धोराम बिजाबनि 76 बिलाइ आरो अमृत सागर बिजाबनि 351 बिलाइयाव लिरनाय दखदि-गोथां थाइजौ फिथायखौ खयोव्ळा इसोरनि नेमनि बारगा जायो। बे गोथां थाइजौआ गोखै जायो आरो जायोव्ळा सोलेराव बेराम जायो। बे गोथां थाइजौ मादानिफ्राय बिफां रज'आ, बोरेबाफोर रज'योव्ळाबो मोजां गोगो जाया आरो बेवहाय मोजां एबा मिजिं थिजानाय बायदि फिथाइ थाइया। नाथाय इसोरनि नेम बायदियै थाइजौ फिथाइखौ गोमोन खालामना खाना जायोव्ळा बियो गोदे गोथाव आरो मोदोमफ्रु जायो, बिन बेगरनिफ्राय मोजां बिफां फुलि रज'यो आरो बियाव साननाय बायदि मोजां फिथाइ थाइयो। बे बायदि खालामव्ळानो इसोरनि बोसोनखौ फालिनाय जायो।

थिक बे बायदिनो फिसा हौवा, फिसा हिनजावफोरखौ उन्दै समावनो हाबा होयोव्ळा जाय फिसाफोरा उजियो बिसोर बेमारि, बोलेो गायै, सोलेो गायै आरो आयु गुसु जायो। बिजिरनायनि गेजेरजों बिसोरखौ इसोरनि नेम बायदियै बैसो जानाय समाव एबा संग्रा सिख्ला जाब्लासो हाबा होयोव्ळा बिसोरनि फिसाफोरनि बोलेो सोलेोआ गोहो गोरु जानानै गोबाव सम थानानै थायो आरो बियाव इसोरनि बोसोनखौ फालिनाय जायो। बिनखायनो बा बोसोर बैसोनिफ्राय नैजि बोसोर बैसोसिम बिसोरखौ मोजाडैसोलौंथाइ आरो सैथो हाबा बायदि बायदि सोलौंथाइ होनाया जोबोर गोनांथाव। नाथाय बर'फोरनि बिमा बिफा जानायफोरा बे बायदि जादों ना जायखै बेखौ साननो गोनां दं। बिनखायनो सुबुं माहारिनो धोरामनि गोनांथि दं। मानोना मोनसे आधात्मिक सिन्ताधारा एबा जिउ गियाननि सानलायनायनि गेजेरजोंसो मोनसे हारि, समाज, रायजो आरो हादोदआ गोजोन जानो हायो।

गुरुदेवआ बुंलांदोंमोन इसोर सिबिनाय समाव जानाय-लौनाय, दामनाय-देनाय, खननाय-मोसानायखौ दोन्थानांगौ। नडबा इसोर सिबिनाय समाव गोसोआ स्थिर थाया। गोदोन समजों रजुनानै नायोबा आथिखालाव बर'नि समाजआ गोबां फोसाबजाबाय। बर'फोरा गामि, नोगोर, नोगोरमायाव मोजां मोजां न'लुनानै राइजो जानानै दसै। बर'नि गेजेराव गोबां धोन सुबुंफोर दसै। बर'फोरखौ गुबुन हारिनि मानसिफ्रा मुगैनो हाल। बिनखायनो गुरुदेबनि बिहोमाजों बर'फोरनि गेजेराव समाजआरि गुरुस्लायनाय फेदों होनानै बुंजायो।

4, राजखान्स्थियारि गुरुस्लायनाय-1927 मायथाइनि 8 नवेम्बरआव

Indian statutory commission खौ फोसावनाय जादोंमोन बै समनि Great Britain cU Prime Minister Standly Baldwin नि समाव। बे कमीशनखौनो साइमन कमीशन होनानै बुंनाय जायोमोन। साइमन कमीशनखौ दानायनि जाहोना जाबाय भारतआव फिसा फिसा राइजो दानने भारतनि सुबुंफोरनो संबिजिदिनि मोनथाय होनाय। साइमन कमीशनआव Sir John Simon खौ मासिगिरि लानानै गासै सा 7 सोद्रोमाफोर दंमोन। बिथामोनहा गासिबो ग्रेट ब्रिटेननि सोद्रोमाफोरजोबमोन आरो बिथामोननि गेजेराव सासेबो भारतनि दैदेनगिरिफोरनि मुं गैयामोन। जायनि थाखाय 1927 मायथाइनि दिसेम्बर दानाव Ma-dras आव जानाय Indian National Congress नि जथुम्मानि गेजेरजों साइमन कमीशनखौ हेंथा होनायनि थांखि आजावनानै लादोंमोन। बेनिखायनो गासै भारतनि सुबुंफ्रा सोमावसारदोंमोन। थैवबो ब्रायैनो साइमन कमीशनआ 1928 मायथाइनि 3 फेब्रुवारीयाव भारतआव हाबफेदोंमोन। जाउनव लाहौर, लखनौ, पुणे आरो भारतनि गोबां जायगायाव साइमन कमीशननि हेंथायै गोखौयै सोमावसारदोंमोन। 'लाला लाजपत राय'नि दैदेननायाव लाहौरआव जेव्ळा सोमावसारो अव्ळा 1928 मायथाइनि 30 अक्टबरआव 'लाला लाजपत राय'आ बृटिश पुलिस जों बुजादोंमोन आरो 1928 माइथायनि 17 नवेम्बर, अक्ट सानखालि जीउ गोमानांदोंमोन। बिन थाखायनो 1930 मायथाइयाव 'भकट सिंह'आ खिथेर होखारनो British नि Central Assembly, दिल्लीयाव बमा हादोंमोन आरो 1931 मायथाइनि 23 मार्च आव भकट सिंहआ फासि होजादोंमोन। बे बायदि दुं-दुं, हाव-हाव थासारिनि गेजेरावनो 'गुरुदेव कालिचरण ब्रह्म'आ जेव्ळा साइमन कमीशनआ Shillong आव फेदोंमोन अव्ळा 1929 माइथायनि 4 जानुवारी बेलासि समनि 2-30 रिंगायाव बर'हारिखौ रैखाथि होनो थाखाय गासै 12 आयदानि सायाव गोसोखां बिलाइ होदोंमोन। गुरुदेवआ साइमन कमीशननो गोसोखां बिलाइ होनायनि 8 बोसोरनि उनाव 1937 माइथायनि 1 एप्रिलआव Assam State Legislative Assembly Council आ दाजादोंमोन। बै समनिफ्रायनो बर'फोरा ट्राइबेलनि खाबुखौ मोनबोदोंमोन। बिनखायनो भारत हादोदआ ब्रिटिशनिफ्राय उदांश्री मोननायनि सिगांआवनो बै समनि Md Sir Sadullah नि आसाम मन्त्री सभायाव सा 108 MLA फोरनि गेजेराव बर'फोरनिफ्राय गवालपारा जिलानि 'गेदेमा रुपनाथ ब्रह्म' आरो कामरुप जिलानिफ्राय 'गेदेमा रवि चन्द्र कचरि' बिथामोनहा 'ट्राइबेल लीग' राजखास्थि हानजानिफ्राय MLA जानो हादोंमोन। मिथिनि मोननाय बायदिव्ळा उनाव बर'फोरनिफ्राय गेदेमा रुपनाथ ब्रह्मआ बै समाव आसामनि मन्त्री जानो हादोंमोन। आसामनि अनगायैबो 'सोनाब बंग' राइजोनि आलिपुर दुवार जिलानि सिंङव 1957 मायथाइयाव गिबि दाजानाय 11 नं 'कालचिनी बियाब'नि सासे ब्रह्म धोराम सिबियारि, ब्रह्म नख'रनि गेदेमा देबेन्द्र नाथ ब्रह्म मण्डलआ गिबिसिन एम एल ए जादोंमोन। बिदिव्ळा सोनाब बंग राइजोआवबो राजखान्स्थि बिथिडव गुरुदेव कालीचरण ब्रह्मनि गोहोम गोलैदोंमोन। बेफोर गासिबो 'गुरुदेव कालिचरण ब्रह्म'नि मावनानै गालानायनि फिथाइ। गुरुदेवआ भारतनि सोमावसारनायाव एसे बाहागो लायोमोनव्ळा भारतनि सासे गिदितथार Freedom Fighter जानो हागौमोन। गुरुदेवआ हारिनि बिफा महात्मा गान्धीखौ 1926 मायथाइयाव 'रुपची'याव लोगो हनानै बर'नि दानाय लुनाय हारिमु दिन्थिफुदोंमोन। बेखौ नुनानै 'गुरुदेव'नो राइजो आरो गान्धीया 'मेच गान्धी' बिमो होनाय बाश्राखौ खोनयो। मानोना बर'फोरनि दानाय लुनाय आसार खास्थिया गान्धीजीनि स्वदेशी उद्योग खास्थि लानानै सोमावसारनायजों गोरबोमोन। गुरुदेबनि अनगायै बर'फोरनि गेजेराव रावबो दैदेनगिरिया महात्मा गान्धी खौ लोगो हनो हानाय बाश्रा खोनयाखै। बे बायदिनो बर'हारिनि थाखाय गुरुदेवआ गोबांथाव हाबा मावदोंमोन। बिनखायनो गुरुदेवखौ बर'हारिनि लामा दिन्थिगिरि होनानै बुंजायो। बर'हारिखौ दैदेननानै गान्धीजों सिनायजानायनि उनावबो नाथाय गुरुदेवआ भारतनि सोमावसारनायाव मैखोमै बाहागो लायाखैमोन। मानोना गुरुदेवआ हारिखौ लानानैसो मुखुब जादोंमोन। जानो हागौ गुरुदेवआ बै समावनो बुजिनो हादोंमोन- भारतआ सानसे ब्रिटिशनिफ्राय उदांश्री जागोन आरो आसामाबो रायजो दाजागोन। नाथाय बे उदां भारत आरो आसाम रायजोआव बर'हारिया गुबुन गुबुन हारि माहारिजों लोगोसे गसंफानानै थानो हागोन ना हाया बेखौ लानानैसो गुरुदेवआ हाबा मावदोंमोन। बेफोर जारिमिनआ बर'हारिनि गेजेराव स'नानि हांखोजों लिरनानै थाबाय। साननो गोनां बाश्राया जाबाय ब्रिटिश बायदि एसेबां गोहो गोरु सरकारनि सोलोखौ ह्यमदानो हानानै गोसोखां बिलाइ होनाया थारैनो सोमोनांथाव आरो बाखायथाव। ब्रिटिशफ्रा भारतखौ फिसा फिसा राइजो दानानै सालायनायनि राहा लानो नागिरनायखौ मिथिनाय गुरुदेवआ जुदि साइमन कमीशननो खाबु लानानै गोसोखां बिलाइ होआमोनव्ळा जानो हागौ बर'फोरा गोलैसोनानै थागौमोन। नाथाय दा बर'फोरा गुरुदेबनि बिहोमाजों राजखास्थि आरो गोबां बिथिडव दावगानाय होनानै बुंजायो। आथिखालाव बर'फोरनि गेजेराव भारत हादोद आरो आसाम राइजोआव-एम एल ए, एमपि, मन्त्री, एमचिएलए, इ एम आरो बायदि बायदि राजखान्स्थि दैदेनगिरि जानो मोनायनि खाबु दसै। बिनखायनो गुरुदेबनि बिहोमाजों बर'फोरनि गेजेराव राजखास्थियारि गुरुस्लायनाय फेदों होनानै बुंजायो।

5, जोबनाय: गुरुदेव कालीचरण ब्रह्मआ आसामनि सेथि महापुरुष श्रीमन्त शंकरदेबनि उनाव आसामनि नैथि महापुरुष। बे बाश्राखौ असमिया मेलेमजिबि, थुनलायगिरि, लिरगिरि आरो गेदेमाफोरा गनायो। असमिया बिथामोनहा जैरै महापुरुष श्रीमन्त शंकरदेबनि आदर्शखौ लानानै समाजआव गासिबो बिथिडव जौगानाय लाबोदों। थिक बे बायदिनो बर'माहारियाबो गुरुदेव कालीचरण ब्रह्मनि सानथौ आरो सानस्त्रिजों हाबा मावोव्ळा गासैबो बिथिडव जौगानोन। आथिखालाव महापुरुष श्रीमन्त शंकरदेव आरो गुरुदेव कालीचरण ब्रह्म सानैखौबो आसाम सरकार समानै मान होनाय जायो। मानोना आध्यात्मिक सानस्त्रिनि गेजेरजों मोनसे हारि, समाज, राइजो, हादोद आरो मुलुगा गोजोन जायो।

शान्ति ! शान्ति ! शान्ति !!!

-----\*-----

# जेलाव थानाय केजरिवालआ भिआइपिनि फाहामथाय लागोन

गोदान दिल्ली, 18 एप्रिल: दिल्लीनि गिबि मन्थ्रि अरबिन्द केजरिवालनि आरज 'लाइनि सायाव राउज एभेनिउ बिजिरसालियाव खोनासनाय जागोन। केजरिवालआ गावनि सुगारनि थाखोखौ सानफ्रोमबो आनजाद नायनो आरो सासे डक्टरजों सुबुरुन लानो गनायथि बिनानै मोनसे आरज 'लाइ दाखिल खालामदों। केजरिवालआ बुंदोंमोनदि, इडीनि आवथायाव बिथानि सुगारनि थाखोआ 46 सिम गोल्दोंमोन। बेबादि थासारियाव सानफ्रोमबो बिसोरनि सुगारनि थाखोखौ आन्जाद नायनाया गोनाथार। इडीनि उखिलआ बे आयदानि सायाव फिन्नाय होनो थाखाय सम बिदों।



16 एप्रिलाव खोनासनायनि उनाव बिजिरसालिया 18 एप्रिलाव बेलासिनि 2 रिंगायाव खोनासनायनि सम थि खालामदोंमोन। जौ गोना-खान्थिनि थाखाय जेलाव

थानाय अरबिन्द केजरिवालआ गावनि सावसिखौ दिन्थिनानै सानफ्रोमबो गावनि देहाखौ आनजाद खालामनो गनायथि बिदोंमोन। बेजों लोगोसे बिथाड दाबि खालामदोंदि, बिथांखौ

सासे डक्टरजों सुबुरुन लानो गनायथि होनांगौ जायखौ बिथाड सिगाडव लागसिनो दंमोन। बबेखानि केजरिवालआ डक्टरफोरजों सुबुरुन लानो थाखाय सप्ताहयाव खेबथाम दाबि दैखांदों आरो बे सुबुरुनआ भाचुंयेल जागोन। इडीनि उखिलआ केजरिवालनि आरज 'लाइनि फिन्नाय होनो थाखाय बिजिरसालिनीफ्राय सम बिदोंमोन आरो बिजिरसालिया बिथानो सान्थिनि सम

होदोंमोन। इडीनि उखिलआ बुडोदि, डक्टरआबो तिहाड जेलाव दं। केजरिवालआ गावनि सुगारनि लेभेलखौ डक्टरफोरजों आनजाद नायनो हागोन। इडीनि दाबियाव अरबिन्द केजरिवालनि न्यायारि बेंथेखौ 23 एप्रिलसिम बारायनाय जादोंमोन। केजरिवालखौ इडीआ 21 मार्चखालि खादोंमोन। अरबिन्द केजरिवालनि सरकारआ दिल्लीनि थाखाय मोनसे गोदान जौ गोना-खान्थि बानायदोंमोन आरो बेयो मोनसे थगायनायनि अजद दं। बे जाथायाव मनीष सिशदिया, सन्जय सिंह आरो के कथिता बायदि गोबां दैदेनगिरिफोरा जेलाव थानांदोंमोन। इडीआ अरबिन्द केजरिवालनो सौनाय फिन्नायनि थाखाय मोन 9 समन दैथायहरदोंमोन। बबेखानि केजरिवालआ बेफोरनि मोनसेबो समनआव नुजाथियाखैमोन आरो बिथांखौ 21 मार्चखालि खानाय जादोंमोन।

## बृजभुषण शरण सिंहनि बिजिरनायखौ दोन्थ 'नाय जाबाय नाथाय बिजिरसालिया 26 एप्रिलाव रायखौ फोसावगोन



बेनिखायनो बै केसनि आरोबाव मोनसे नायबिजिरनायनि थाखाय मोनसे आरज 'लाइ दाखिल खालामनाय जादों। बृजभुषणनि उखिलआ बुंदोंमोनदि, जों सिडिआरखौ नागिरनो नाजादोंमोन नाथाय दलिलफोराव नागिरना मोनाखैमोन आरो 7 सेप्टेम्बरनि अक्ट'आ जेरावबो रेबागिन्थियाव गैया। बेनि सायाव बिजिरसालिया सोंदोंमोनदि, नोंथाड बे आयदाखौ सिगाडव मानो दैखांआखैमोन। बृजभुषणनि उखिलआ बुंदोंमोनदि, बे केसआव गोबां फोरमानलाइफोर दं। जों सिडिआरखौ नागिरनो नाजादोंमोन नाथाय बेखौ नागिरना मोनाखै बेनिखायनो जों बे जेनाखौ सार्ज फ्रेमनि समाव दैखांगासिनो दं। बृजभुषणनि उकलीआ बुंदोंमोनदि, जुदि सिडिआर रिपर्ट दं अब्ला दानो हो। बे आयदाखौ दैखांनयनि गोजू सम। बे आयदाखौ आरोबाव दैखानाय जानाय नड बेनिखायनो जों बुंदोंदि, सिडिआरखौ फोरमायथियाव दोन्नांगौ नडब्ला बे बिन्दोनि सायाव नायबिजिरनो बिथोन होनांगौ। बिजिरसालिया सोंदोंमोनदि, जुदि सिडिआरआ फोरमायथियाव फैयो अब्ला दाथे-बिदाथेनि थाखाय सम लागोन।

गोदान दिल्ली, 18 एप्रिल: भारतनि बारग' रसलार फेडरेशननि आफादगिरि आरो एमपि बृजभुषण शरण सिंहनि बेरेखायै दाय जाबसिन्नायनि सायाव खोनासनायखौ दोन्थ 'नाय जाबाय। बिजिरसालिया 26 एप्रिलाव बृजभुषण शरण सिंहजों दाखिल खालामजानाय आरज 'लाइनि सायाव गावनि रायखौ फोसावगोन। बेनि उनाव दाय जाबसिन्नाय फ्रेमाव मोनसे हियारि जागोन। केसनि हियारिनि समाव दिल्ली पुलिसआ बिजिरसालिनो बुंदोंदि, सिडिआर रिपर्टआ मोनसे नाडै दकुमेन्ट। अजद होग्राणि उखिलआ बुंदोंमोनदि, सिडिआर रिपर्टआ बिसारनि आयदा आरो आथिखालाव बेनि गोनांथि गैया। बृजभुषणनि उखिलआ बुंदोंमोनदि, सिडिआरनि फोरमायथिया जोबोद गोनांथार। सिडिआरनि फोरमायथिनि सायाव बिथा खालामनानै 7 सेप्टेम्बरनि

अक्ट'आ जोनोम जागोन। बिजिरसालिया बुंदोंदि, गिबियाव आरज 'लाइनि सायाव थिरांथा लानाय जागोन आरो बेनि उनाव जों दाय जाबसिन्नायनि सायाव रायजलायगोन। आइजो रसलारखौ गाञ्जि आखु दिन्थिनयनि केसयाव बृजभुषण शरण सिंहनि जानानै बिजिरसालियाव मोनसे आरज 'लाइ होनाय जादोंमोन, जेराव बुनाय जादोंमोनदि, सासे अजद होगिरिनि बिबुंथियाव गोरोबलायै दं। अजद होगिरिनि बायदिब्ला, जेब्ला बियो डब्लिउएफआइ मावख'आव थादोंमोन अब्ला बिथांजोखौ गाञ्जि आखु दिन्थिनय जादोंमोन, फारसेथिं बृजभुषणआ बुंदोंमोनदि, बे सोंदोंमोनदि, सिडिआरनि फोरमायथियाव फौयो अब्ला फोरमानआव पासपर्टनि मोनसे कपिबो होफादोंमोन।

## भडाफन आइडियाया जिय' आरो एयारटेलनि एफपिअजों आरजिनायाव बादायलायनो हागोन नामा

गोदान दिल्ली, 18 एप्रिल: हादतनि थामथि बयनिखुइबो देरसिन टेलिकम कम्पनी भडाफन आइडियाआ आथिखालाव मोनसे गिदिर राडरि आंखालजों जुजिगासिनो दं। कम्पनीया गावनि जेनाफोरखौ खम खालामनो थाखाय फल-अन पाब्लिक अफार (एफपिअ) नि गेजेरजों 18,000 कौटि रां बुधुमनो थॉखि लादों। बेयो हादतनि बयनिखुइ देरसिन एफपिअ जागोन, जायखौ 18 निफ्राय 22 एप्रिलसिम साबस्क्राइब खालामनाय जागोन। जेब्लानो बबेबा कम्पनीया स्टक मार्केटाव फारिलाइ खालामनानै पाब्लिकनिफ्राय रां बुधुमनो लुबैयो, अब्ला बियो गावनि आइपिअ थामहिनबा इनिशियेल पाब्लिक अफार लाबोयो। बियो गावनि बाहागोखौ फाननानै रां थिसनगिरिफोरनिफ्राय रां बुधुमो। नाथाय, गोबां समावनो फारिलाइ खालामजानाय कम्पनीनि सिगाडव राडरि जेनाफोर नुजाथियो। बेयो दाहारखौ सुख 'नांगोन, जेरै भडाफन आइडियानि बेलायाव जादोंमोन।




बे थासारियाव, फारिलाइ खालामजानाय कम्पनीया रां थिसनगिरिफोरनो गोदान बाहागो होनानै फुन्जि बुधुमो आरो बेखौ एफपिअ थामहिनबा फल-अन पाब्लिक अफार बुनाय जायो। भडाफन आइडिया, जाय मोनसे समाव बाहायगिरिफोरनि बिथिडव हादतनि बयनिखुइबो देरसिन आर'बपति फालांगियारि मुकेश अम्बानीनि रिलायेन्स जिय'आ सेंथि फारियाव दं, जायनि 47 कौटिसो बाहायगिरिफोर दं। मख'नो गोनांदि, सुनील मित्तलनि भारती एयारटेलआ 38 कौटिसिखुइ बांसिन बाहायगिरिफोर जों नैथि थाखोआव दडा ब्रकरेज फार्म

गड्डमेन सैक्सआ बावैसो आसा खालामदोंमोनदि भडाफन आइडियायो जिय' आरो एयारटेलजों बादायलायनो गोनां जायोब्ला फैगौ नै बोसोराव 65,000-83,000 कौटि रांनि गोदान फुन्जिनि गोनांथि जागोन। भडाफन आइडियाया एफपिअनि गासै बेसेनखौ मोनफ्रोम शेयारआव 10-11 रां दोनदों। कम्पनीया बुडोदि बेयो सिगांनि जोबनाय बेसेन 12.95 रांनि रुजुनायाव 15 जौखोन्दोसो रेहाय होदों। बबेखानि, एक्सपार्टफोर फोथायोदि एफपिअनि रांजों, कम्पनीया गावनि फोथायथिखौ गोखों खालामनो हागोन। नाथाय गुबुन जेनाफोरा थाबाय थागोन। बिदिन्थि बायदिथै भडाफन

आइडियाया 2026 मायथाइयाव स्पेक्ट्रम आरो एडजस्टेड ग्रस रेभिनिउ (एजीआर) होनांगौ रांखौ होनांगोन आरो बे बिबाड 4 आर'ब डलार जायो। भडाफन आइडियाया आथिखालाव 45,000 कौटि रांनि फान्ड बुधुमगासिनो। नाथाय बे फुन्जिजों गावनि माखासे थाखानाय जेनाफोरखौल' सुस्त्रानो हायो आरो गेदेर जेनाफोरा थाबाय थागोन। 18 एप्रिल एवा बृहस्पतिबाराव भडाफन आइडियानि बाहागोफोरा जागायजेन्नाय फालांगियाव गासै 4 जौखोन्दो बांनय नुनो मोन्दों। बेखौ फोथायनाय जायोदि रां थिसनगिरिफोरा कम्पनीनि एफपिअखौ मोजाडैलागासिनो दं। थानाय द' दाननि बाथ्रा बुब्ला, भडाफन आइडियाया 15 जौखोन्दो रिटर्न होदों। एखे समावनो, रां थिसनगिरिफोरा बोसोरसेआव कम्पनीनिफ्राय 122 जौखोन्दोनि बांसिन मुलाम्फा जादों।

## दिल्लीनिफ्राय लानानै पान्जाब-हारियाणासिम बोथोरा सुबुंफोरखौ गोजोनहोगोन, मोन 6 रायजोआव दुंहाव बारनि एलाट

गोदान दिल्ली, 18 एप्रिल: बोथोरनि थासारिया हाजोनिफ्राय लानानै फैलाव हायेनसिम सोलायबाय। हाजोआरि ओनसोलफोराव अखा आरो बरफ गोल्दनायजों बोथोरा गोजोनथाव जायो। आथिखालाव गोबां हायेनफोराव दुंहाव थासारि आरो जोबोद दुंहाव बारनि थाखाय सुबुंफोरा जेनायाव गोल्दोयो। दिल्लीजों लोगोसे सा-भारतनि गोबां रायजोफोराव जोबोद दुंहाव थासारि जागायजेन्दों। भारतयारि बोथोर बिगियान बिफाना बुंदोंदि 18 आरो 21 एप्रिलनि गेजेराव पान्जाब, हरियाणा, दिल्ली, उत्तर प्रदेश आरो राजस्थानाव बारहुंखा, सारअन्थाइ आरो बारहुंखा बारनो हागौ। दिल्लीनि थागिबिफोरा साननैसोनि थाखाय जोबोद दुंनयनिफ्राय रैखा मोनगोन। बोथोर बिगियान बिफाना बुंबावदोंदि बृहस्पतिबाराव दिल्ली-एनसिआरआव रोजा जोमै जानो हागौ। मोनाबिलि आरो मोनायाव गोखों बार



बारगोन। बारनि गोखैथिया घन्टासेआव 30 निफ्राय 40 जौखोन्दोसो जानो हागौ। गोखों बारजों लोगोसे अखा हानाय एवा रेजें अखाबो हानो हागौ। सानजा आरो सोनाब चम्पारन, गपालगन्ज, सिवान, बकआ बिहारनि 14 नोगोरमाफोराव एखे समावनो सा-मिरुआरि बाहागोनि सीतामढ़ी, मधुबनी आरो सा-सानजा बाहागोनि सुपौल, अररिया, किरानगन्ज जिल्लयाव मोनसे एवा मोननै

मोनगोन। बेनि अनगायैबो, 19 एप्रिलखालि जम्मु-काश्मीरनि गोबां ओनसोलावबो गोबां अखा हागोननि इयुन रादाव होनाय जादों। आइएम्डिआ हिमाचल प्रदेशआव 19 एप्रिलसिम आरो उत्तराखण्डआव 19 एप्रिलसिम सारअन्थाइ गोल्दनायनि इयुन रादाव होदों। आइएम्डिआ 21 एप्रिलसिम उरिष्ठा आरो सोनाब बंग'आव दुंहाव थासारि जानो हागौ होना बुंदों। झारखण्ड, महाराष्ट्र, अन्ध्र प्रदेश, तेलेंगाना आरो पुडुचेरीआव फैगौ सानथामनि थाखाय दुंहाव बारनि थाखाय एलाट' फोसावनाय जादों। आइएम्डिनि सामलायगिरि मनरमा महन्तीआ बुंदों, मोन 18 सहरफोराव बिदुड 41 डिग्री सेल्सियासनि गोजूआव दिखांनो मोन्नाय जादों। भुबनेश्वरआव गोजूसिन बिदुड 41.7 डिग्री सेल्सियास दिखांनो मोन्नाय जादों। बबेखानि कटकआव गोजूसिन बिदुड 41.5 डिग्री सेल्सियास दिखांनो मोन्नाय जादों।

गिलगित-बाल्टिस्तान, 18 एप्रिल: मोनसे नंखाय डिग्री के सनि सोमोन्दोआव गिलगित-बाल्टिस्ताननि बारग' गिबि मन्थ्रि खालिद खुशीद खाननि बेरेखायै ग्रेसार वारेन्ट जारि खालामनाय जादों। सुलुंनि बादिब्ला, गागि सुबुं बिजिरगिरि हिदायत आलीआ गिलगित-बाल्टिस्ताननि बारग' गिबि मन्थ्रिनि गले-गले नुजाथिथैनि थाखाय जामिन गोनां खानायनि बिथोन फोसावदों। सुलुडव फोरमायबावनाय बादिब्ला, पाकिस्तान तहरीक-ए-इन्साफ (पिटिआइ) गिलगित-बाल्टिस्तान दालाइन मासिगिरि खालिद खुशीदआ मोनसे एफडेभिट आरो मोनसे नंखाय खाखि गथायनानै गोजू सोलेंथाय आयगनिफ्राय (एस्सइसि) मोनसे समानथाय फोरमानलाइ मोननो



हादोंमोन। बेनि अनगायैबो बिथाड गिलगित-बाल्टिस्तान बार काउन्सिलनिफ्राय उखिलनि लाइसेन्स लानायनि थाखाय लन्दन मुलुगसोलेंसालिनिफ्राय नंखाय आयेननि डिग्रीबो दाबि खालामदोंमोन। सुलुडव बुनाय जादोंदि, जुलाइ 2023 माइथायाव गिलगित-बाल्टिस्तान गाहाइ बिजिरसालिनि साथाम सोद्रोमनि बेन्सआ जीबी आयेन आफादिनि सोद्रोमा शहजाद आगानि नंखाय डिग्री

पेट्रोलनि बेसेना लिटारसेयाव 95.19 रां आरो डिजेलनि बेसेना 88.05 रां, बेंगालुरुआव पेट्रोलनि बेसेना लिटारसेयाव 99.24 रां आरो डिजेलनि बेसेना 85.40 रां, चन्डिगडुआव पेट्रोलनि बेसेना लिटारसेयाव 94.24 रां आरो डिजेलनि बेसेना 82.40 रां, हाइड्राबादआव पेट्रोलनि बेसेना लिटारसेयाव 107.41 आरो डिजेलनि बेसेना 95.65 रां, जयपुरआव पेट्रोलनि बेसेना लिटारसेयाव 104.88 रां आरो डिजेलनि बेसेना 90.36 रां, पटनाआव पेट्रोलनि बेसेना लिटारसेयाव 105.18 रां आरो डिजेलनि बेसेना 92.04 रां आरो डिजेलनि बेसेना 94.83 रां आरो डिजेलनि बेसेना 87.96 रां, गुरुग्रामआव डिजेलनि बेसेना 87.76 रां।

## गिलगित-बाल्टिस्ताननि बारग' गिबि मन्थ्रि खालिद खुशीदनि बेरेखायै नंखाय डिग्री केसआव ग्रेसार वारेन्ट जारि खालामदों

गिलगित-बाल्टिस्तान, 18 एप्रिल: मोनसे नंखाय डिग्री के सनि सोमोन्दोआव गिलगित-बाल्टिस्ताननि बारग' गिबि मन्थ्रि खालिद खुशीद खाननि बेरेखायै ग्रेसार वारेन्ट जारि खालामनाय जादों। सुलुंनि बादिब्ला, गागि सुबुं बिजिरगिरि हिदायत आलीआ गिलगित-बाल्टिस्ताननि बारग' गिबि मन्थ्रिनि गले-गले नुजाथिथैनि थाखाय जामिन गोनां खानायनि बिथोन फोसावदों। सुलुडव फोरमायबावनाय बादिब्ला, पाकिस्तान तहरीक-ए-इन्साफ (पिटिआइ) गिलगित-बाल्टिस्तान दालाइन मासिगिरि खालिद खुशीदआ मोनसे एफडेभिट आरो मोनसे नंखाय खाखि गथायनानै गोजू सोलेंथाय आयगनिफ्राय (एस्सइसि) मोनसे समानथाय फोरमानलाइ मोननो

हादोंमोन। बेनि अनगायैबो बिथाड गिलगित-बाल्टिस्तान बार काउन्सिलनिफ्राय उखिलनि लाइसेन्स लानायनि थाखाय लन्दन मुलुगसोलेंसालिनिफ्राय नंखाय आयेननि डिग्रीबो दाबि खालामदोंमोन। सुलुडव बुनाय जादोंदि, जुलाइ 2023 माइथायाव गिलगित-बाल्टिस्तान गाहाइ बिजिरसालिनि साथाम सोद्रोमनि बेन्सआ जीबी आयेन आफादिनि सोद्रोमा शहजाद आगानि नंखाय डिग्री

## दिल्लीजों लोगोसे दर 6 राइज्योफोरा अखानि थाखाय दुंखावनायनिफ्राय रैखा मोनगोन

गोदान दिल्ली, 18 एप्रिल: अन्ध प्रदेश आरो तामिलनाडुजों लोगोसे हादरनि गोबां राइज्योफोरा जोबोद दुंहाव थासारिजों मोगा-मोगि जानांदों। भारतयारि बोथोर बिगियान बिफान (आइएमडि)आ 20 एप्रिलसिम गोबां राइज्योफोरनि थाखाय दुंहाव बारनि एलार्ट फोसावदों। आइएमडिआ बुंदोंदि, फैगौ सानबानि गेजेराव अडिशा, गंगा सोनाब बेंगल, कंकण, सौरास्ट्र, कच्छ, बोरिमायारि अन्ध प्रदेश, यानम आरो तेलेंगानानि माखासे बाहागोफोराव दुंहाव थासारि जानो हागौ। अडिशायाव 18 आरो 19 एप्रिलाव, गंगानि सोनाब बेंगलाव 19 आरो 21 एप्रिलाव गोबां जायगाफोराव दुंहाव थासारि सोमजिनो हागौ। आइएमडिआ 21 एप्रिलाव गंगानि सोनाब बेंगल आरो बिहारनि गुबुन गुबुन जायगाफोराव, 19-21 एप्रिलाव झारखंडआव, 18



आरो 19 एप्रिलाव तामिलनाडु, पुडुचेरी आरो काराइकलआव दुंहाव बारनि सांग्रांथि रादाव फोसावदों। गेजेर महारास्ट्र आरो मराठवाड़ायाव 18 एप्रिलाव दुंहाव बार बारगोन। बोथोर एजेन्सिआ बुंदोंदि, सोलिफु ससाहनि जोबनायसिम सोनाब बंगनि खोला आरो सा 24 परगना, सान्जा आरो सोनाब बर्धमान, सान्जा आरो सोनाब मेदिनीपुर, पुरुलिया, झारग्राम, बीरभूम, मुर्शिदाबाद आरो बांकुरा जिल्लाफोराव दुंहाव

थासारि सोमजिगोन। जेब्ला मोनसे जायगानि गोबांसिन बिदुडु खमैबो 40 डिग्री सेलसियास एबा बेनि बांसिन जायो अब्ला दुंखावनाया माखासे खोला आरो सान्जायारि राइज्योफोराव दुंहाव थासारिया सोलिबाय थागोनब्लाबो साहायारि राइज्योफोराव थाजिम अखाया बांलांनया बिदुनिफ्राय रैखा मोननो हागौ। बोथोर बिगियान बिफाना 18-20 एप्रिलसिम

पान्जाब, हरियाणा, चन्डिगढ़, दिल्ली, सोनाब उत्तर प्रदेश आरो राजस्तान बायदि गोबां राइज्योफोराव बारहुंखा, सारअन्थाय आरो बारहुंखा बारनायजों लोगोसे गोसारदलानाय अखा हानो हागौ होनना बुंदों। मिजिं थिनाय जादोंदि, बृहस्पतिबारव दिल्ली-एनसिआरआव खावसे जोमै खोबनाय अखां आरो गुसु बार बारगोन। 19 एप्रिलाव बारहुंखा आरो गोखों बारजों लोगोसे एसे अखा हानायनि आसा दं।

## एयारटेलआ श्रीलंका फालांगिनि

### सोमोन्दै मोनसे गिदिर थिरांथा लादों

निउज डेस्क, 18 एप्रिल: टेलिकम कम्पानी भारती एयारटेलआ मोनसे शेरार सोलाय-सोल' गोरोंबथानि गेजेरजों गावनि श्रीलंकानि खामानिफोरखौ डायलगा एक्सियाटाजों सरजाबगोन। बे फोरमायथिखौ जथाइ बिबुंथियाव होनाय जादों। रंखांथियायि बोरिसोर 2022-23 माइथायाव एयारटेल श्रीलंकानि फालांगिया 294 कौटि रामोन आरो बेयो भारती एयारटेलनि गासै फालांगिनि 0.21 जौखोन्दो। डायलगा एक्सियाटा पिएलसि, एक्सियाटा गुप बेरहाद (एक्सियाटा) आरो भारती एयारटेल लिमिटेडआ श्रीलंकायाव गावसोरनि खामानिफोरखौ ज' खालामनो थाखाय मोनसे थि गोरोंबथयाव



सागान होदों होनना कम्पानीआ मोनसे बिबुंथियाव बुंदों। गोरोंबथानि सिडव डायलगा एयारटेल, श्रीलंकानि मोनसे टेलिकम कम्पानी, श्रीलंकायाव जादि खालामनाय बाहागोफोरनि 100 जौखोन्दो मोनगोन। बेनि सोलायै डायलगा भारती एयारटेलनो सरासनसा भटिं शेरार जादि खालामगोन जाय शेरार स्वेपनि गेजेरजों सावरायलायनायनि गासै जादि

खालामनाय शेरारफोरनि 10.355 जौखोन्दो जागोन। एयारटेल श्रीलंकाआ 2009 माइथायाव श्रीलंकायाव फालांगियायि खामानिखौ जागायजेन्दोंमोन। बे सावरायनाया 17 अगस्ट 1993 माइथायाव श्रीलंकायाव जागायजेन्दोंमोन। एक्सियाटा गुप बेरहादिनि सामलायगिरि बिथोनगिरि भिबेक सूदआ बुंदोंदि, डायलगा आरो

एयारटेल श्रीलंकानि गेजेराव ज' जानाया एक्सियाटा नि हाथाइखौ गोखों खालामनाय आरो थाबथानो हानाय मावखान्थिनि सिडव। डायलगा एक्सियाटाहा 17 मिलियननि बांसिन ग्राहकफोर दं आरो एयारटेल श्रीलंकायाव 5 मिलियननि बांसिन बाहायगिरिफोर दं। ज' जानायनि खौरांनि उनाव एयारटेलनि स्टक आ बृहस्पतिबारनि फालांगियायि जथुमाव राहा लानाय नुनो मोन्दों। सान्जौफुनि 1 रिंगासिम स्टक आ 5 जौखोन्दो बांनयजों 1278 थाखोआव फालांगि खालामगासिनो दंमोन आरो स्टक आ इन्ट्राडे गोजौसिन 1281 सिम सौहैदों।

## रंजालि गथ'फोरनि सौरा

### टेट्राकटिस खन्थाइ

नै  
लाइमोन  
बर'फोर  
मोनसे खोथा  
खाम दामनाय सिफु सुनाय सोलोंदो

नै  
लाइमोन  
बर'फोर  
सोलों नोंसोर  
हारिमुनियाव थानाय दामजुफोर

नै  
लाइमोन  
बर'फोर  
बैसागुवौ  
मोसा नांगौ खाम सिफु जथाजों

नै  
लाइमोन  
बर'फोर  
बैसागुवा  
समायो खाम सिफु जथाजोंसो

रैदोम बर', बाक्सा

## ऐ जोमै

मुश्री परेस बर'

थादयै नायफिनै नों दाखा-दाखा महरै बबाव थानो उराये नोंनि महरखौ आं नाये बुजिबाय नों थान्दै। रथ' रथ' जोमै गोसो इंसिन खोथा लांफाथ', ददरे मायनावनि लागै हायोब्ला लांफानो जोमै थानानै नों, जानानै अखा फोरमायहै नों जुजाय अरनि खोथा आंखौ खामनायनि। हाबिलास जाबायदों जानांगौ बियो आंनि खोथा मोनो, थं जोमै थं गोखोयैनो थं। आरो दा बावगारदे बिन खोथा मोनबोयोब्ला जौनि गामिजों नों फैफिनोब्ला आंनो बिलाइलानो।

## आंनि हाबिला

मिस सुजुराणि दैमारि

नाजागोन आं सिमां मिजिंखौ, मोकथां महर मोननो...! फोथायगोन आं जेब्लाबो अनज्जलायनायनि धोरुमखौ। खौसेथिनि लामायाव बयखौबो बजबना लागोन...!! अरायबो फोजाखोंगोन बाउलुदि बर' बिमाखौ... आंनि हाबिला सिमानिफ्राय मोकथां महर मोनथों। दै बायदि जिदि जिदि बोहैबाय थाथों आंनि जिडआ... गुसु सुदेम बार बायदि गोजोन जाथों आंनि देहा सोलेरा। मिथिंगा बिमाजों अरायबो गोरोबफाना थानो आं हानायबायदि। बिमा स्वरसथि बायदि गियानि सोलौंथाय सोनो हाग्रा बायदि जानो लुबैयो आं...!!! आंनि साननाय-हनाय मिजिंफोरा मोगथां महर मोनथों... आंनि हाबिला मोनफ्रोमबो फारफ्रोमबो जाफुंथों...!!!

### नोंनि गोसोथोनायनि इसारा

आं एसे हमदांखादोंमोन नोंनि बोथोर गैयैआवनो आंनि देरानि सेर सेर दिंखिया मैगं खाफैनायनि फावथिनाखौ। आरो,,,,, बैसागुनि सेर सेर नों फागुनजों फैफाना रोजाबनाय दाव खौवौनि देखोआबोथ' आंखौ उसुखुथु खालामथारदोंमोन। आरो आरोलाय,,,,, जेरावखि लोगोमोना मेगननि इसाराजों आंखौ रायदावनाया बेबोथ' एसेल'मोन नोंनि बिखानि दोहौसिम बायहां गोसोनि बानदो गुबु लानो। गोसोथोनायखौ फोरमायनो मानोथो सिदि सिदि गोसोआवल' नोंबा नों आंबा आं खामगिलहोबाय थाबावखो नोंनि खानाय ख'फायाव फागुनाव बारनाय मानदार बिबारखौ आंखौ थुदों साननानै लादो आरो फैदो फै आंनि सेराव बैसागुनि बार अखा खाम सिफुनि देखोआव गोसोथोनायनि मेथाय रोजाब रोजाब मोसानोसै सानेजों।

-राजिब दैमारि  
बाक्सा

## जोहोलाव हाब्जा

सिगाडे नोंसोर जोहोलाव हान्जा मोनसे थांखिखौ गोसोआव थि लाना, गावनि गांनय-उखैनाय दोन्ना सान-हर थायनै मेगनजों नोंसोर। गोसोआव नोंसिन मोनसेल' थांखि सानफ्रोमबो बर'हारिखौ उहांश्री लाबोनो, जेन्नाय-देरहानाया नोंसोरनिनो--- दावखो जोहोलाव हानजाफोर। सांग्रां जा, जौडनि थांखि लाना गैया नोंसोरखौ सिगिनो हाग्रानि जुनात, नायहर हनै, पुलिसनि हान्जा नोंसोरनि सायाव खाराव-माराव। बावलां जोब्बाय जोहोलाव हान्जा नोंसोर नखरनि हानजा फारसे, बिमा-बिफानि मेगनाव दै बाना सानस'हाया जीडनि दिडखौ बोरै जावनो। नखरनि मिजिंखौ दाला हान्जानि समाव दासान जोहोलाव हान्जा बेफोरखौ नुनानै, नायहर हनै गावजोंगाव गावथारलायनाय फोजोबझां जोहोलाव हानजा बेफोर खामानिखौ। दानांगोन जोहोलाव हानजा हारिखौ, लाबोनांगोन बे हारिखौ अरायबो उदांश्री।

मुश्री राज कुमार सोरगियारी

## फरायसुला आं

फरायसा जीउ आं बे बुब्बिआव नडा रंजानायनि बे मुलुगाव। थांखि दड आंहाबो बे उजिआव जीउखौ लानानै सोरां खालामनायनि। मैयासो गोरलैमोन आं- दिनें जाबाय आंनो अनसुला फरायसुला। गोदोसोना थानाय बर' हारिखौ' फरायसा जाना बोखोंफिनो आंनो थियारी। गोसोनि आयनायाव, बोनाय सावगारी जाफुंगोन दा बियो सानसे आं बुंस' हाया। गोसोनि मन्दिराव बारनाय बिबारा, गेवलांगोन दा बियो सानसे आं बुंस' हाया। बर' आ हारिखौ सिनायनो रोडबोला बर' बिमानि रावखौ लाया बोला- बे बुहुमाव जों खौसे जायाब्ला जों अराय आनदाय नांगोन।

मुश्री पवन ब्रह्म  
ला:सो:-फाथाबारी  
जिला- ककराझार बि टि सि

## महर बोगोरि

महर बोगोरि आं बे मुगानि हागोनदा आखिनो- गोसो गोबोंनि सान्नायखौ- ? सानो आं गोसोनि बाश्नाखौ फोरमायनो सुबुं लैथोनि बिखायाव रान्ना होनो नाथाय सोर मिथिनो ? आंनि थुलिखानि रावखौ- सुबुंनि नोजोराव जीउ गैयै आं सैना दोन्नाय गंसे सावगारीसो रायदावगोन सोर आंखौ ? मिथि मोनगोन दा- ? थुलिखानि खायलें खुडलें बोनाय राव गैयै सावगारीनि गावखौ। नाथाय बेयावनो थाखोमादों गासै आंनि- सुखु-दुखु गावनाय मिनिनाय मॅनाय-बानाय। हे! सुबुं माहारि- अन्नानै नाय नुनो मोनगोन सान्नानै नाय बुजिमोनगोन रायज्जायनानै नाय राव मोनगोन दानानै नाय साखाथियाव मोनगोन आगानफ्रोमबो दावगालानायाव आं थुलुंगा मोनगोन।

श्री पबित्र बसुमतारी।  
कक्राझार मिउजिक एन  
फाइन आर्ट कलेज।

## दादुरा सैमा

गोजानायनि जारलायाव लान्जाय फायश्रमनानै उन्दुना दड सोरबा अर सायलानाय हांगार खाथियाव। सोरनिबा मोदोमा दादु जानाय बिगुर गैयै लंथं -लंथं खारगासिनो दड मॅनाय बानायखौ नागरानै। लामा सेरनि बै जाबोर दामोलाव दाखुरा सैमाया उदैन जारलायाव..... आवथालि फावथालि समाइना भावजों अरलु गासिनो दड थरसे मानिबा गोरान हार, सोरबा अरसिनो नाजादों जुथा गिजिखौनो माबाफोर गैयै जुनारनि गेसाव बिगुर सान्नानै, थरथिसे मिलौदो बिदै मोनजानायनि आसायाव सोरनिबा खाफालाव बेबो गैबाबा, खायसे गावजों गाव अरलायदों। खबसे आदारनि थाखाय बरादिनि लिरनायाव खायसे सैमाया..... मानसि महरयै गाखो लांफादों सोरनिबा जिबसि गारियाव, सिउ-सिउ बुदेर फानाय गारिनि बारा गोजां होबावदोंमोन दादु जानाय बै सैमाखौ। गावसिनि हावरिया सैमाफोरखौ नुनानै जंखायलंदों गारि सानिफ्राय ! बाइ बाइ दस्त।

श्री खातारी जौटि  
कक्राझार मिउजिक ए  
फाइन आर्ट कलेज



## भिक्रान्त मेसीनि '12वी फेल' खौ भारतनि उनाव गुबुन हादराव रिलिज खालामनाय जासिगोन

भिक्रान्त मेसीनि बयनिखुइबो मुंदांखासिन सावथुन '12 वी फेल' आ भारतआव रिलिज जानाय लोगो लोगो हिट जायो। एखे समावनों बेनि सल 'निफ्राय लानानै स्टार कास्टसिम बेयो सुबुंफोरनि गोसोखौ जै खालामबाय। भिक्रान्त मेसी आरो मेधा शंकरनि सावथुन '12वी फेल' आ रिलिजनि 5 दाननि उनावबो जौगागासिनो दं। भिधु बिनद चपड़ाजों दिथाहोजानाय बे सावथुनाव आइपिएस मावख 'गिरि मनज



कुमार शर्मानि जिउनि जौगानाय आरो गाहायाव फैनयखौ दिन्थिनाय जादों। '12वी फेल' खौ थियेटरफोरनि उनाव अटीटीआव रिलिज खालामनाय जादों मोन, जायनि उनाव

सावथुना आथिखालाव गुबुन हादरावबो दोहौ सोमजिहोनी थियारि। भिक्रान्त मेसीनि '12वी फेल' आ आथिखालाव भारतनि उनाव चीनआव रिलिज जानो थियारि। सावथुनाव गाहाइ फावआव नुजानाय भिक्रान्त मेसी आरो मेधा शंकर सानैबो चीनआव सावथुनि रिलिजखौ लानानै जोबोद खुसि मोनदों। इन्डिया टुडेजों बावैसो जानाय मोनसे मोगा-मोगियाव भिक्रान्तआ बुंदोंदि, बियो मासि

## शिल्पा शेट्टीनि फिसाइ राज कुन्द्रानिफ्राय इडिआ कौटि-कौटि रानि सम्पति बोखांदों



शिल्पा शेट्टीनि फिसाइ आरो फालांगिरि राज कुन्द्राआ फिन खेबसेबाव जेनायाव गोलैदों। इडिआ राज कुन्द्रा आरो शिल्पा शेट्टीनि जुहु प्लेटनि 98 कौटि रानि सम्पतिखौ जब्द खालामदों। इडिआ बुंदोंदि, रिपु सुडान कुन्द्रा उर्फे राज कुन्द्राजों सोमोन्दो थानाय 97.79 कौटि रानि लोकोसे दिदोम सम्पतिफोरखौ प्रेभेन्सन अफ मनी लन्डि एक्ट (पिएएमएलए) 2002 नि राहाफोरनि सिखव अरायथा नडे महरै जब्द खालामनाय जादों। जब्द खालामजानाय सम्पतिफोरनि फारिलाइआव राज कुन्द्रानि इक्वीटी शेयार, जुहुनि मोनसे प्लेट आरो पुणेआव थानाय गंसे बांलाजों लोगोसे गोबां सम्पतिफोर दं। इडिआ बे उनि फोरमायथिखौ दुइट खालामदों आरो ससियेल मिडियाआव फोसावदों। इडिआ रूसारि अमित भारद्वाज, अजय भारद्वाज, भिबेक भारद्वाज, सिम्मी भारद्वाज, महेन्द्र भारद्वाज आरो गोबां एमएलएम एजेन्टफोरनि बेरेखायै महाराष्ट्र पुलिस आरो दिल्ली पुलिसजों रजिस्टार खालामजानाय गोबां एफआइआरनि बिथायाव मेसर्स भेरिएबल टेक पिटिइ लिमिटेडजों नायबिजिरनाय जागायदों। राज कुन्द्राखौ इडिआ 2018 माइथायाव बिटकइन केलेंखारिआव रां थगायनाय केसआव सोंथि खालामदोंमोन। राज कुन्द्रानि बेरेखायै रां थगायनाय केसआव राहा लानाय जादों। बे केसआ बिटकइन बाहायनायनि गेजेरजों रां थिसनगिरिफोरनि रांखौ थगायनायजों सोमोन्दो गोनां। इडिनि नायबिजिरनाय मिथिनो मोनोदि, राज कुन्द्राआ इडिआव बिटकइन खनिनि फार्म गायसन्नायनि थाखाय गेना बिटकइन फन्जी केलेंकारिनि मास्टारमाइन्ड आरो फोसावगिरि अमित भारद्वाजनिफ्राय 285 बिटकइनफोर मोनदों। राज कुन्द्राखौ 19 जुलाई 2021 माइथायाव सा 11 गुबुन सुबुंफोरजों लोगोसे गाजि सावथुन बानायनायनि दायआव खानाय जादोंमोन। राज कुन्द्रानि अनायायबो दायनिगिरि अजय भारद्वाज आरो महेन्द्र भारद्वाजआ दासिमबो खारखोमाना नै दं। बेनि सिगां इडिआ 69 कौटि रानि सम्पतिखौ जब्द खालामदों। थाथायनि अजदखौ 11 जुन 2019 माइथायाव आरो थाथायनि अजदखौ 14 फेब्रुवारी 2024 माइथायाव होनाय जादोंमोन। जर 'खा पिएमएलए बिजिरसालिया बेखौ नोजेर होदों। राज कुन्द्राआ थानाय बोसोयाव सावथुन इउटी 69 जों बलिउडआव आगान होजेन्दोंमोन।

## 'बालिका वधु' नि फावखुंग्रिया नैथि खेबनि थाखाय विमा जासिगोन

स्मृति खन्ना आरो गौतम गुप्ताया टिभि स्व 'मेरी आशिकी तुम से ही' निफ्राय मुंदांखा जानो हादोंमोन आरो बियो टिभि इन्डास्ट्रीनि बयनिखुइबो मुंदांखासिन आरो समाइना जरा 'फोरनि गेजेराव सासे। बेजों लोगोसे टिभि फावखुंग्रिया माखासे घन्टा सिगां गावनि अन्सायगिरिफोरजों मोनसे मोजां खौरां फोसावदों। स्मृति खन्नाया 33 बोसोर बैसोआव नैथि खेबनि थाखाय विमा जानो थांगासिनो दं। बिथांजोआ गावनि फिसाय आरो गावनि फिसाजो जों पस्टखौ शेयार खालामनाय गावनि नैथि गोबांआव थानायखौ फोसावदों। फावखुंग्रिया गावनि इन्स्टाग्रामआव शेयार खालामनाय सावगारिफोरखौ सुबुंफोरा जोबोद मोजां मोनो। एखे समावनों स्मृति आरो गौतमआ सेलिब्रिटी कमेन्ट बक्सआव जरा 'खौ बरायदों।



'बालिका वधु' नि फावखुंग्रिया स्मृति खन्ना आरो गौतम गुप्ताया थाबैबो गावसोरनि नैथि फिसाखौ बरायगोन। स्मृतिआ बुधबाराव इन्स्टाग्रामनि गेजेरजों बे खौरांखौ फोसावनाय समाव गिबि खेबनि थाखाय गावनि बेबी बाम्पखौ दिन्थिदों। एखे समावनों स्मृति खन्नानि बेबी बाम्पखौ दिन्थिनाय सावगारिफोर। सशेल मिडियाआव गोसारगिसिनो दं, जेराव बिथांनि फिसाजो अनायाका आरो बिनि फिसिनाय सैमा लुकासखौबो नुनो मोन्दों। स्मृति खन्नाया मोजां

सावगारिफोरजों लोगोसे मोनसे गोलाव नटबो लिरदोंदि, जौनि गोत्राव दावबायनायनि उनाव जों नोंथांनो मोनसे मोजां खौरां होगासिनो, गुबुन सासे सोद्रोमाया जौनि नख 'राव हाबनो थांगासिनो। जौनि अनजालि फिसाजो अनायाकाया बिनि देरसिन बिनानाव जानो थांगासिनो आरो जौनि लुकासआ बिदा जानो थांगासिनो। जों गोबां दानसिम बे बुब्लिन सिमां नुनो हमदोंमोन आरो आथिखालाव बे सिमाड मोगथाडव जाफुंसारबाय।

जौगानायनि थाखाय चीनआव थांगोन ना थाड बेखौ थि खालामनाया गोखै जागोन। सावथुना माल्ला रिलिज जागोन बेनि बागै रायज्जालानाया गोखै जागोन नाथाय आं थारैनो गोजोन्नाय मोन्दों। आमिर खानआ सिगाडव गावनि सावथुन 'दंगल' नि फोसावनायनि थाखाय चीनआव थांदोंमोन आरो बे सावथुनाबो बैयाव जाफुंसारदोंमोन। बिथांनि सावथुन '3 इडियटस' आबो बे हादराव मोजाडैजाफुंसारदों। भिक्रान्तआ बुंदोंमोनदि, '12वी फेल' नि उननि हान्जाया माखासे समनिफ्रायनो सावथुनखौ चीनआव फोसावनों थाखाय खामानि मावागसिनो दं। बिथाड बुंदोंदि, सावथुनखौ चीनआव 20,000 नि बांसिन स्क्रिनफोराव दिन्थिनाय जागोन।

बेयो माखासे दाननिफ्रायनो खामानियाव दं नाथाय जोबनायाव बयबो मिथिगोंदि, सावथुना चीनआव रिलिज जागोन। चीनआव हिन्दी एबा भारतआरि सावथुननि गोबां गोनांथि दं। 20,000 नि बांसिन स्क्रिनफोर दं, जेराव सावथुनखौ फोसावनों थांगासिनो दं। '12वी फेल' नि सोमोनांथाव जाफुंसारनायनि उनाव भिक्रान्त मेसीखौ दिथागिरि रन्जन चन्देलनि फैगौ थिलार सावथुन 'द साबरमती रिपर्ट' आव नुनो मोनगोन। बे सावथुना 27 फेब्रुआरि 2002 मायथायाव गुजरातनि गधरा रेलवे स्टेशननि खाथियाव साबरमती एक्सप्रेसनि जाथायफोरनि सायाव बिथा खालामनाय। बेवहाय रिडि डगर आरो राशी खन्नाबो दं।

## आमिर खाननि डीपफेक भिडिअ' केसआव पुलिसआ एफआइआर रेजिस्टार खालामदों

मुम्बाइ पुलिसआ बलिउड सुपरस्टार आमिर खाननि डीपफेक भिडिअ'नि केसआव आयेनारि राहा लादों। पुलिसआ सासे सिनायमोनै सुबुंनि बेरेखायै एफआइआर रेजिस्टार खालामदों, जाय आमिर खाननि नंखाय भिडिअ'खौ सशेल मिडियाआव शेयार खालामदोंमोन। आमिर खाननि डीपफेक भिडिअ'आव फावखुंग्रिया मोनसे राजखानिथियारि पाटौनि फोसावनाय नुनो मोन्दों। बेजों लोगोसे आमिर खाननि मावख'आ बेखौ मोनसे डीपफेक भिडिअ' बुंदों आरो बेनि बेरेखायै पुलिस अजदबो होदोंमोन, जायनि उनाव मुम्बाइ पुलिसआ आथिखालाव बे आयदायाव गोखों राहा लादों। आमिर खाननि मावख'नि अजदनि उनाव बुधबाराव खार पुलिस आनायाव धारा 149, 420 आरो आइटी एक्टनि सिखव मोनसे केस रेजिस्टार खालामनाय जादों। दायनिगिरिफोरखौ बे गासैबो थारफोरनि सिखव साजा होनाय जागोन। आमिर खाननि 31 सेकेन्डनि मोनसे किलपआ भाइरंल जादों, जेराव फावखुंग्रिया मोनसे राजखानिथियारि दोलोनि



फोसावनाय नुनो मोन्दों। भिडिअ'खौ एआइनि हेफाजाबजों बानायनाय जादों। आमिर खानआ राजस्थान प्रदेश कंग्रेस कमिटिनि दैदेनगिरि हरीश मीनानि एक्स हेन्डेलआव मोनसे भिडिअ' पस्ट खालामनायनि उनाव बांलांनय दान्थे-बिदान्थेनि सायाव फिन्याय होनायै लिरदोंदि, भारतनि साफ्रोमबो नोगोरारिफोरा करडपति। भिडिअ'नि जोबथा फ्रेमाव राजखानिथियारि दोलोनि नेरसोनखौबो नुनो मोनो, जेराव लिरनाय ददि, न्यायनि थाखाय भट हो, कंग्रेसनो भट हो। बेल' नडा बेकग्राउन्ड अदिय'आवबो बे एखे बाश्त्राखौनो खोनानो मोनो। आमिर खाननि मोनसे मावख'आरि बिबुंथिनि बायदिब्ला, बेखौ बुंनय जादोंदि, 'लाल सिंह चड्ढा' फावखुंग्रिया गावनि 35 बोसोरनि केरियारआव माल्लाबाबो रावबो राजखानिथि दोलोखौ मदत खालामाखै। बिथाड गोबां खेब सुबुंफोरखौ भट होनायनि मोनथायनि बागै सांग्रां खालामदोंमोन।

गेजेरजों सोलाय-सोल' खालामनाय जादों। बे 31 सेकेन्डनि भिडिअ'आव आमिर खानखौ बुंनय खोनानो मोनोदि, भारतनि साफ्रोमबो नोगोरारिफोरा करडपति। भिडिअ'नि जोबथा फ्रेमाव राजखानिथियारि दोलोनि नेरसोनखौबो नुनो मोनो, जेराव लिरनाय ददि, न्यायनि थाखाय भट हो, कंग्रेसनो भट हो। बेल' नडा बेकग्राउन्ड अदिय'आवबो बे एखे बाश्त्राखौनो खोनानो मोनो। आमिर खाननि मोनसे मावख'आरि बिबुंथिनि बायदिब्ला, बेखौ बुंनय जादोंदि, 'लाल सिंह चड्ढा' फावखुंग्रिया गावनि 35 बोसोरनि केरियारआव माल्लाबाबो रावबो राजखानिथि दोलोखौ मदत खालामाखै। बिथाड गोबां खेब सुबुंफोरखौ भट होनायनि मोनथायनि बागै सांग्रां खालामदोंमोन।

## गाहाम देहानि राहा

### माखासे फिथाइफोरनि जुस बानायनाय लोडेब्ला मोखाडव नेसुरेल ग्ल' फैयो

नेसुरेल ग्ल'नि बाश्त्रायानो आलादा जायो। जेब्ला सुबुंफोरा नोंथांनो मेकआप फुना जासेबो कमप्लिमेन्ट होयोब्ला नोंथाड गोबां गोजोनो जानांगौ। दागो गैयै, स्लिम बिगुर, टपेट बायदि गोजा-गोजा समाइना खवलाइखौ गोबां मोजां नुयो। जुदि नोंथाडबो बेबायदि स्किननि सेक्रेट फर्मुलाखौ हास्थायोब्ला नोंथाड गावनि डाइटआव माखासे जुसफोरखौ लाफादेरनो हागोन। (1) बिट: बिटआव माखासे निउटिसन मोन्नाय जायो। बेवहाय थानाय पलेटआ स्किन सेल्सखौ बांहोयो। बिटामिन सिआ बैसो बांनयनि गोहोमखौ बाडाइ खालामो, बिगुर थननायखौ जानगार खालामो। (2) गाजर: गाजरआव थानाय बिटा केरिउमिन्टआ बुखानायखौ केरिउमिन्टआ बिगुरनि डेमेज



जानायनिफ्राय रैखाथि होयो। (3) आपेल: आपेलआ एन्टी अक्सिडेन्टजों बुंफनय जायो, जाय तिश्रु डेमेजखौ होबथायो। बेखौ जुसआव लाफादेरनायजों बिगुरआव कलेजम आरो इलास्टिनआ बाडो। जायजों नोंथांखौ लाइमोन नुयो। बेनि अनगायै बिटामिन ए, बि कमफ्लेक्स आरो सिआ स्किन पेक्ससारखौ सोलायनायनि खामानि मावो। (4) हाल्दै: हाल्दैआव थानाय कर्किउमिन्टआ बुखानायखौ बाडाइ खालामो। बेखौ

बिगुरआव फुन्नाय एबा जाग्रा आदाराव लाफादेरनायजों दागो जानायफोरनि जेनाया जानगार जायो। लोगोसेनो नेसुरेल ग्ल'खौ मोन्नो हायो। (5) आमलाइ: आमलाइयाव बिटामिन सिखौ मोन्नो हायो, जाय बैसो बांनयावबो गोहोम खोखौनो हायो। आमलाइजों थैआ साखोन-सिखोन जायो, जायजों मोखाडव दागो, सिथरनि जेनाया जाया। लोगोसेनो फ्रि रेडिकेल्सनिफ्रायबो रेखाथि होयो।

## कपिल शर्माया सासे सुबुंनि कलखौ खोमानायनि उनाव गाबदोंमोन

कपिल शर्माया आथिखालाव गावनि गोदान कमिडि स्व 'द ग्रेट इन्डियन कपिल स्व' नि एपिसडनि बागै गोबां सावरायगासिनो दं। एखे समावनों, कमिडियन कपिलआ बे कमिडि स्व'नि बावैसो फोसावजानाय एपिसडनि सोमोन्दे सोराखव दं। 'द ग्रेट इन्डियन कपिल शर्मा स्व'नि जोबथा एपिसडआव मुंदांखा रोजाबगिरि आरो देंखो सुजुगिरि एआर रहमानजों लोगोसे सावथुन 'अमर सिंह चमकिला' नि स्टार कास्टआवबो आलासि महरै नुनो मोन्नाय जादोंमोन। बे स्व'आव दिलजीत दसांझ, परिणीति चपड़ा आरो इमियाज आलीखौ गावसोरनि गोदान सावथुन 'अमर सिंह चमकिला' नि फोसावनाय नुनो मोन्दों। बेनि गेजेराव भारतनि मुंदांखा कमिडियन कपिल शर्माया आथिखालाव 'द ग्रेट इन्डियन कपिल स्व' नि आन्दोआव मोनसे बीटीएस भिडिअ शेयार खालामदों, जेराव बिथाड एआर रहमाननि कल गोमानाय आरो सावथुन 'अमर सिंह चमकिला' नि बाहागो जानायनि बागै फोरमायदों। कपिल शर्माया बुंदोंमोनदि, बिथांहा दिलजीत दसांझ आरो परिणीति चोपड़ाजों फाव खालामजानाय 'अमर सिंह चमकिला' खौ अटीटी प्लेटफर्म नेटफ्लिक्सआव फोसावनाय जादों जेराव अमर सिंहनि सल 'खौ दिन्थिनाय जादों। सावथुनखौ इमियाज आलीआ दिथा होदों आरो देंखोखौ एआर रहमानआ खालामदों। अमर सिंहआ गोजों पान्जाबी दारिमिनाव जोबोद गिदिर मुंमोन।



कपिल शर्माया आथिखालाव गावनि गोदान कमिडि स्व 'द ग्रेट इन्डियन कपिल स्व' नि एपिसडनि बागै गोबां सावरायगासिनो दं। एखे समावनों, कमिडियन कपिलआ बे कमिडि स्व'नि बावैसो फोसावजानाय एपिसडनि सोमोन्दे सोराखव दं। 'द ग्रेट इन्डियन कपिल शर्मा स्व'नि जोबथा एपिसडआव मुंदांखा रोजाबगिरि आरो देंखो सुजुगिरि एआर रहमानजों लोगोसे सावथुन 'अमर सिंह चमकिला' नि स्टार कास्टआवबो आलासि महरै नुनो मोन्नाय जादोंमोन। बे स्व'आव दिलजीत दसांझ, परिणीति चपड़ा आरो इमियाज आलीखौ गावसोरनि गोदान सावथुन 'अमर सिंह चमकिला' नि फोसावनाय नुनो मोन्दों। बेनि गेजेराव भारतनि मुंदांखा कमिडियन कपिल शर्माया आथिखालाव 'द ग्रेट इन्डियन कपिल स्व' नि आन्दोआव मोनसे बीटीएस भिडिअ शेयार खालामदों, जेराव बिथाड एआर रहमाननि कल गोमानाय आरो सावथुन 'अमर सिंह चमकिला' नि बाहागो जानायनि बागै फोरमायदों। कपिल शर्माया बुंदोंमोनदि, बिथांहा दिलजीत दसांझ आरो परिणीति चोपड़ाजों फाव खालामजानाय 'अमर सिंह चमकिला' खौ अटीटी प्लेटफर्म नेटफ्लिक्सआव फोसावनाय जादों जेराव अमर सिंहनि सल 'खौ दिन्थिनाय जादों। सावथुनखौ इमियाज आलीआ दिथा होदों आरो देंखोखौ एआर रहमानआ खालामदों। अमर सिंहआ गोजों पान्जाबी दारिमिनाव जोबोद गिदिर मुंमोन।

## सुनिल शेट्टीआ बिजामादै केएल राहुलखौ जोनोम साननि हामलायथि बावहरदों



केएल राहुलआ दिनें 18 एप्रिलखालि गावनि 32थि जोनोम सान फालिदों। बे जर 'खा फालिथायाव बिथांनि बिहाव फावखुंग्रिया सुनिल शेट्टीआ बिथांनि जोनोम सानखौ हामब्लायथि बावहरदों। सुनिल शेट्टीआ मोनसे सावगारि शेयार खालामदों, जेराव बिथाड गावनि फिसाज्जला अहान शेट्टी आरो बिजामादै केएल राहुलजों लोगोसे नुनो मोन्दों। बे पस्टखौ शेयार खालामनाय समाव फावखुंग्रिया गावनि बिजामादै केएल राहुलजों गावनि सोमोन्दोनि बागैबो बुंदों। बेजों लोगोसे लखनऊ सुपर जाइन्टसनि केप्टेन केएल राहुलनि बिंसि आथिया शेट्टीआबो बिथांखौ जोबोद रमान्दिक आदबजों हामब्लायथि बावहरदों। आन्ना सुनिल शेट्टीआ गावनि इन्स्टाग्रामआव मोनसे पस्ट शेयार खालामनाय बिजामादै केएल राहुलनि थाखाय मोनसे गोदै नट लिरदों आरो बिथांखौ सावथुननि समाव हामब्लायथि बावहरदों। बे सावगारियाव सुनिल शेट्टीखौ अहान शेट्टी आरो केएल राहुलजों लोगोसे सफायाव जिरायनाय नुनो मोनो। साथामखौबो सरासनसा नडै जि-जोम गान्नाय नुनो

मोनो। गावनि इन्स्टाग्राम हेन्डेलाव सावगारिखौ शेयार खालामनाय बिथाड लिरदोंदि, जौनि जिउआव मा जागासिनो दं बेयो जेबो गिदिर बाश्त्रा नडा नाथाय जौनि जिउआव सोर दं बेयो गोनांथार। आं खाफाल गोनांदि नों आंनि बिजामादै, आंहा बेबादि सोदोब गैया जायखौ आं बुंनो हायोदि, जोंहा मोनसे सोमोन्दो दं जायखौ बेखेवनों हाया। जोनोम साननि गाहाम हामब्लायथि राहुल। अहान शेट्टीआबो केएल राहुलखौ जर 'खा आदबजों हामब्लायथि बावहरदों। बिथाड गावनि इन्स्टाग्राम स्ट'रीआव गावजों मोनसे सावगारि शेयार खालामदों। बे सावगारियाव अहान शेट्टी आरो केएल राहुलखौ थाबायनाय नुनो मोनो। सावगारिखौ शेयार खालामनाय अहानआ लिरदोंदि, हेप्पी बार्थ डे फंबाय केएल राहुल। केएल राहुलनि आबुं मुडा कन्नुर लकेश राहुल। भारतनि जानानै केएल राहुलआ 2014 माइथायाव अस्ट्रेलियानि बेरेखायै 2016 माइथायाव जिम्बाब्वेनि बेरेखायै अडिआइ आरो टी-20 क्रिकेटआव आगान होजेन्दोंमोन। सुनिल शेट्टीनि बिजामादै केएल राहुलनि बाश्त्रा बुडेब्ला, बिथाड आथिखालाव आइपिएल 2024 आव लखनऊ सुपर जायन्टस टीमनि केप्टेन खालामगासिनो दं। आथिखालाव, बलिउडनि आन्ना सुनिल शेट्टीआ गावनि फैनोगोनां सावथुन 'वेलकम टु द जंगल' नि शुटिआव मुखुब जाय, 'वेलकम' आरो 'वेलकम बेक' नि मोनसे स्टैन्डअलोन सिक्वेल। फ्रेन्चाइजीनि थामथि खोन्दोआव अक्षय कुमार, सन्जय दत्त, अरशद वारसी, परेश रावल, तुषार कापुर, रवीना टन्डन, लारा दत्ता, जैकलीन फर्नांडीज आरो दिशा पटानीआबो दं।

## मारुति सुजुकीआ स्विफ्ट फेसलिफ्टनि बुकिंग्ंौ बेखेवबाय

गोदान दिल्ली, 18 एप्रिल: हादरनि बयनिखुइबो देरसिन कार बानायग्रा मारुति सुजुकीआ फेगौ दाननि जागायजेन्नायाव गावनि मुंदांखा कार स्विफ्टनि फेसलिफ्टखौ लन्व खालामनो थांगासिनो दं. बेनि सिगाडव कम्पानीया गावसिनि अफलाइन बुकिंग्ंौ जागायदोंमोन। खौरां बिजौनि रिपर्टफोरनि बायदिल्ला, कम्पानीया गोबां स्विफ्टआव गोबां गोनांथार सोलायनाय लाबोनो थांगासिनो दं, जायनि सिडव गारियाव मोन 6 एयारबेग, एडीएएस बायदि गोबां गोनांथार रैखाथि आखुथायफोर होनाय जागोन। ब्रैथि जेनेरेसननि स्विफ्टखौ मारुतिआ टर्किय'मटर स्व'आव सिनायथि होदोंमोन। रिपर्टफोरनि बायदिल्ला, गोदान मडेलआ मोनसे गोदान जेड सिरिज 1.2-लितर मोनथाम-



सिलिन्डर इन्जिन मोनगोन। बे गोदान इन्जिनआ 90 एडसिप आरो 113 एनएम टर्क सोरजिगोन। आथिखालाव जेबो मावख'आरि फोरमायथि फोसावनाय जायाखै नाथाय बेखौ फोथायनाय जादों। कम्पानीया बे सिपनजि आरो हाइब्रिड अपसनखौ हाथाइयाव लाबोनो हायो। स्विफ्टनि फेसलिफ्टआ गोबां डिजाइन

सोलायनाय लाबोनो थांगासिनो दं. बेयाव एलइडि डिआरएलएसजों लोगोसे प्रजेक्टर हेन्डलेम्पफोर थागोन। क्रमखौ बेनि डिजाइनआव बाहायनाय जादों। बेजों लोगोसे बेखौ मोनसे गोसोम ग्रिल होनाय जागोन। कम्पानीनि लग'खौ बनेटनि गोजौआव होनाय जागोन। रिपर्टनि बायदिल्ला, गोदान स्विफ्टआ

आथिखालनि मडेलनिखुइ गोजौसिन जागोन। बेयो सिगाडव 15 मि.मि. गोलाव, 40 मि.मि. गुवार आरो 30 मि.मि. गोजौ जागोन। बबेखानि बेनि व्हीलबेसआ सोलिफु मडेलनि 2,450 मिलिमिटर जागोन। कम्पानीया सिनि बाहागोआवबो मख'जाथाव सोलायनाय लाबोदों। गारिनिफ्राय डशबर्ड गाबनि अनगा गोबां सोलायनाय फेगोन, जाय बेखौ जोबोद गोदान मुगायारि खालामगोन। बेयाव मोनसे डिजिटल इनफ'टेनमेन्ट सिस्टेम थागोन, जेराव एन्ड्रयड अट', कनेक्टेड टेक्न'लजि, स्टियारि-माउन्टेड कन्ट्रल आरो अट'मेटिक क्लाइमेट कन्ट्रल बायदि आखुथायफोर होनाय जागोन।

## 2024 माइथायाव टेस्लानि स्टकआ 37 जौरवोन्डो रवमायदों



निज डेस्क, 18 एप्रिल: एलन मास्कनि मोब्लिबयारि कार कम्पानी टेस्लानि स्टकआ 2024 माइथायाव गाहायाव फेगासिनो दं। कम्पानीनि स्टकआव बाडाइ जानाया फान्नाय जौगानायाव गोमलैनायनि जाहोनाव जादों होन्ना फोथायनाय जायो जायनि जाहोनाव कम्पानीया बावैसो गावनि मुलुगनां खामानि मावग्रा गोहोखौ 10 जौखोन्डोसो बाडाइ खालामदों। आमेरिकानि स्टकफोराव फारिलाइ खालामजानाय टेस्लानि स्टकआ मंगलबारनि फालांगियारि जथुमाव 2.7 जौखोन्डो गोलेदों आरो 157.11 डलारआव जोबदों। बेनि जाहोनाव टेस्लानि मार्केट केपआ 500 बिलियन डलारनि गाहायाव थादों। 2024 माइथायनि जागायजेन्नायनिफ्राय

टेस्लानि स्टकआ 37 जौखोन्डो गाहायाव फेदों। बेयो 2024 माइथायाव एसएन्डपि 500 इन्वेक्सआव नैथि बयनिखुइबो देरसिन गोमलैनाय स्टक। बेनि जाहोनाव बाहागोआरिफोरनि सम्पतिया 290 बिलियन डलार खमायदों। सुलुनि बादिल्ला, टेस्लानि स्टकआ थांनय बोसोरसेआव एसेबां लोरबां जोबनाय होआखै। बेयो गावनि 52 सप्ताहनि गाहायसिन थाखोनि एसे गोजौआवल'बन्द जादों। सोलिफु दाननि गिबिआव टेस्लाया 2024 माइथायनि गिबि दानथामनि थाखाय फान्नायनि अन्जिमा दिन्थिदों, नाथाय बेयो बिजिरसंगिरिफोरनि अनुमान खालामनायनिफ्राय जोबोद बाडाइ। बेयो टेस्लानि जौगानायाव सन्देह खालामदों।

बेनि अनगायैबो आमेरिकानि फोसाव बिजौनि मोनसे फोरमायथियाव बेखौ फोरमायनाय जादोंदि, कम्पानीया बाडाइ बेसेननि इ.भि. बानायनायनि सानथांखिखौ बन्द खालामबाय। कम्पानीया आथिखालाव रबटेक्सियाव गोसो होगोन। कम्पानीया बेखौ आगस्टआव दिन्थिनो हागोन। कम्पानीया मुलुगनां हाथाइआव बादायलायनायजों मोगा-मोगि जागासिनो दं। बावैसो चीननि कम्पानी बिवाइडिआ टेस्लाखौ फेजेन्ना नै मुलुगनि सेथि मोब्लिबयारि कार कम्पानी जाबाय। बेनि जाहोनाव कम्पानीया बायगिरिफोरखौ गोसो बोनो थाखाय बेसेनफोरखौ बाडाइ खालामनागोन।

## आमेरिकानि रैखाथि नेहाथारिआ जेट इन्जिननिफ्राय लानानै रैखाथि गोनां गारिफोरजों चीन आरो पाकिस्तानखौ हुमखि होगोन

वाशिंगटन, 18 एप्रिल: भारतआ गावनि रौनिया गोहोखौ बांहोनायाव नांथावनानै दं। रौनियाफोरखौ गोदान मुगायारि खालामनायनि थांखिजों भारतआ हादरनि सिमाफोरखौ रैखाथि होनो थाखाय मोनफोमबो आगान लागसिनो दं। भारतआ चीन आरो पाकिस्तानजों सिमना रानलाय लायो। भारतआ दरनै नसुंसेयारि हादरफोरनि थांखिफोरनि बागै मिथिया। भारतआ रौनियाफोरनो गोदानथार आगुफोर जगायनो थाखाय नाजाबाय थादों। भारतनि बेफोर नाजानायनि गोहोमखौ दायो नुनो मोनो आरो बेखौ आमेरिकानि रैखाथि नेहाथारि लयड आस्टिननि बिबुंथिनिफ्राय हमनो हायो। आमेरिकानि रैखाथि नेहाथारि लयड आस्टिनआ आयेन दागिरिफोरनो बुंदोंदि, भारतयारि अखां सांथ्रिनि थाखाय जयै



फाइटर इन्जिन दिहुनो थाखाय भारत आरो आमेरिकानि गेजेराव सागान होजानाय गोरोबथाया बिग्रायारि। बे जारिमिनारि गोरोबथाखौ थांनय बोसोरनि जुन दानआव गहाइ मन्थि नरेन्द्र मदीनि आमेरिका दावबायनाय समाव फोसावनाय जादों। जेनेरेल इलेक्ट्रिकआ भारतयारि अखां सांथ्रिनि थाखाय दावहानां ग्रा बिबुंथिनि इन्जिन बानायनो थाखाय हिन्दुस्तान

एर'नटिक्सजों मोनसे गोरोबथायाव सागान होदोंमोन। आस्टिनआ सदनखौ बुंदोंमोनदि, आमेरिकाया भारतजों मोनसे गोखों सोमोन्डो दं। जों बावैसो भारतखौ बिबुंथिनि इन्जिन बानायनायाव मदद होदों आरो बेयो मोनसे रोखोमनि जांखिथाय जाय बिबुंथिनि गोहोखौ बांहोगोन। जों भारतजों लोगोसे गंसे रैखाथि गोनां गारिबो बानायगासिनो दं। बावैसो आमेरिकानि रैखाथि नेहाथारि लयड आस्टिनआ बुंदोंमोनदि, भारत आरो आमेरिकानि रौनियाफोरा भारत लैथोमायाव लैथोआरि रैखाथिखौ बांहोना थाखाय जथाय हुदा, खौरां रानलायनाय आरो गुबुन मावफु'आरि

हाबाफारिफोरखौ गोखोंसिन खालामगासिनो दं। नोजोर होथावनादि, चीन आरो पाकिस्तान बायदि नसुंसे हादरफोरजों दुंहाव सोमोन्डोखौ नायनानै जेट इन्जिननि गोनांथिया आरोबाव बांसिन। भारतआव आथिखालाव मिग-29 आरो मिराज-2000 बायदि गोजाम महरनि लाइट कम्बेट बिबुंथिनिफोर दं। दायो जेब्ला जेट इन्जिनफोरखौ हादरआवनो बानायनाय जागोन अब्ला भारतआ बे गोजाम दावहानां ग्रा बिबुंथिनिफोरखौ गोदान आरो गोहोगोरा बिबुंथिनि सोलायनो हागोन। भारतनि थाखाय बेयो आरोबाव गोनांसिन जायो मानोना आमेरिकाया दासिम गावनि खांथिनि हेफाजाबगिरिफोरजों बेबादि बिबुंथिनिफोरखौ रानलायाखै।

## मेक्सिकान सिमायाव हम जानाय भारतआरि नोगोरारिआ आमेरिकायाव जिउ गोमादों

वाशिंगटन, 18 एप्रिल: आमेरिकायाव फिन खेबसेबाव सासे भारतआरि नोगोरारिनि जिउ ख'हा जादों। मोन्नाय खौरांनि बायदिल्ला, आयेन बेरेखायै आमेरिकायाव हाबफेनाय सासे भारतआरि नोगोरारिआ आटलान्दानि गंसे देहा फाहामसालियाव थैदों। थैनाय सुबुंखो भारतआव दैथायहरनो गोनां जादोंमोन। इउएस माइग्रेशन एन्ड कास्टम एनफर्समेन्ट (आइएसई) आ बुंदोंदि, निउयर्कआव भारतआरि कन्सुलेटखौ 57 बोसोर बैसोनि जसपाल सिंहनि थैनायनि बागै फोरमायनाय जादों। लोगोसे बिथानि नख'रनो बेनि बागै फोरमायनाय जादों। आइसिइआ बुंदोंमोनदि, जसपाल सिंहआ 15 एप्रिलखालि आटलान्दानि गंसे देहा फाहामसालियाव रंसारि जादोंमोन। सिंहआ सासे भारतआरि नोगोरारि आरो गिबि खेब 25 अक्ट'बर 1992



माइथायाव आयेन बायदियै आमेरिकायाव हाबदोंमोन। 21 जानुवारि 1998 माइथायाव सासे इमिग्रेशन बिजिरगिरिया बिथानि आमेरिका नागारनो बिथोन होनायनि उनाव सिंहआ गोसो जाना भारतआव फेफिनदोंमोन। सिंहआ 29 जुन 2023 मायथायाव फिन आयेन बेरेखायै आमेरिकायाव हाबनो नाजादोंमोन नाथाय आमेरिका-मेक्सिक 'सिमायाव बिबानगिरिफोरजों खाजादोंमोन। आइसीइनि बायदिल्ला, जसपाल सिंहखौ खानायनि उनाव बिथानि आटलान्दानि

इन्फर्समेन्ट एन्ड रिमुवेल अपारेशन्स (इआरअ')नो गथायना होनाय जादोंमोन। जेनिफ्राय बिथानिखौ आटलान्दानियाव मोनसे डिटेन्सन सेन्टाराव दोन्नाय जादोंमोन। आमेरिकायाव जेब्ला सासे सुबुख डिटेन्सन सेन्टाराव थैयो जाय नोगोरारि नख अब्ला इआरअ'आ बेखौ कंग्रेस सरकारि नडि आफाद मीडियानो साननै हाबा मावनाय साननि गेजेराव रिपर्ट खालामनांगौ आरो गावनि वेवसाइटाव बै सुबुंजों सोमोन्डो थायाय गुवारै फोरमायथिबो होनागोन।

## इज्राइलआ इराननि सायाव फिन गाग्लोबनायनि थाखाय थियाटि

जेरुजालेम, 18 एप्रिल: इराननिफ्राय मिसाइल आरो इज्राइलआ दासिमबो जेबो रौनिया हाबाफारि लायाखै। मख'नो गोनांदि, इज्राइलआ सिरि नाथाय सौंथिया बेसेबां गोबावनि थाखाय थागोन बुंनो हायाबो जानो हागौ। बे समावनो इज्राइलनि गहाइ मन्थि बेन्जामिन नेतन्याहुआ ख'रिफिनि हेफाजाबगिरिफोरनिफ्राय सांग्रां थानो खावलायनायखौ नेवसिगारदों आरो बुंदोंमोनदि, बिथानि हादरा थिरांथा लागोनदि, इराननि गाग्लोबनायखौ माबोरै फिन्नाय होनांगौ। इज्राइलआ इराननि गाग्लोबनायखौ फिन्नाय होनो समायखिरा लादोंमोन नाथाय माब्ला आरो माबोरै बेखौ रोखा



खालामाखै। इज्राइलनि गहाइ मन्थि बेन्जामिन नेतन्याहुआ बुधबाराव गावनि केबिनेट जथुमाव बुंदोंमोनदि, आं रोखा जानो लुबैदों आरो जों गावनो थिरांथा लागोन। इज्राइलआ गावखौ रैखा खालामनो थाखाय जेसेबां नांगौ बेखौनो मावगोन। नायनो गोनां बाथ्राया

बेनोदि इज्राइलनि हेफाजाबगिरिफोरा बेखौ जायखि जाया फिन्नायनिफ्राय जानगाराव थानो खावलायगासिनो दं, जाय दावराव-दावसिखौ बांहोनो हागौ। नेतन्याहुनि बिबुंथिया बुधबाराव ब्रिटेन आरो जार्मनि बायजोआरि

मन्थिफोरजों मोनसे सावरायनायनि उनाव फेदों। ब्रिटिश बायजोआरि नेहाथारि डेभिड केमरन आरो जार्मनि बायजोआरि नेहाथारि एनालेना बेरबकआ इज्राइलआव सौफेदोंमोन। सानैबो देदेनगिरिफोरा गहाइ मन्थि बेन्जामिन नेतन्याहुखौ लोगो

हमदोंमोन। जार्मनि आरो ब्रिटेनआ इज्राइलखौ सांग्रां थानो खावलायदों आरो बुडेदि, इरानजों जायखि जाया बेरेखा जानाया गेजेर सान्जाखौ दावहायाव खोख्लैनो हागौ। थानाय बोसोरनि अक्ट'बराव गाजा स्ट्रिपखौ सासन खालामग्रा हामासनि दावहारुफोरा इज्राइलखौ गाग्लोबदोंमोन, जेराव सा 1200 सो सुबुंफोरा जिउ गोमादोंमोन आरो गोबां सुबुंफोरखौ खादोंमोन। बेनि फिन्नाय महरै इज्राइलआ मोनसे रौनिया अपारेशन जागायदोंमोन, जाय दासिमबो सोलिगासिनो दं। इरानजों इज्राइलआव गाग्लोबनायनि उनाव थासारिया आथिखालाव गाजि जालांगसिनो दं आरो दावहाया गिखंथाव महर लानायनि जाथावना दं।

## सोलिफु समनिफ्रायनो प्रेक्टिस खालामनायखौ हरमनप्रीटआ अलिम्पिकनि जर'खा जागोनखौ फोरमायदों

गोदान दिल्ली, 18 एप्रिल: भारतीय हौवा हकी हान्जानि केपेन हरमनप्रीट सिंहआ पेरिस अलिम्पिकनि थाखाय 100 सानसोल' सम थानायखौ फोरमायनानै सानफ्रोमबो बेनि थाखाय प्रेक्टिस खालामनाय आरो प्रेक्टिसनि सिजनखौ मोजाडै खालामलानायनि गोनथिखौ जर'खा फोरमायदों। टकिय अलिम्पिकआव ब्रन्ज मेडल देरहानाय भारतीय हकी हान्जाया सोलिफु समाव वर्ल्ड रैंकिंगआव 6 थि मासिआव जायगा मोनो। हरमनप्रीटआ गावनि बिबुंधिआव पेरिसआव गावसोरनि टकिय अलिम्पिकआव दिन्थिफुनायखौ मोजासिनै सुद्रायनो नाजागोननि फोथायथि होदों। स्टार ड्रैगप्लिकार हरमनप्रीटआ अस्ट्रेलियासिम दावबायनायाव भारतनि गाज्रिये जेनायनि उनाव अलिम्पिकनि थाखाय गोरोन्थिफोरखौ दानिफ्रायनो सुद्रायनांगो होन्नानै फोरमायदों। मख'नो गोनानि, अस्ट्रेलियासिम दावबायनायाव भारतआ सिरिजआव 0-5 स्करिआव जेन्नादोंमोन। हरमनप्रीटआ मोनसे इन्टारभित्ति समाव अस्ट्रेलियासिम दावबायनायाव गोब्राव थासारिजों हदरसिम



गिर्दिबोफिनायखौ फोरमायनानै माखासे सम जिग्रायनायनि उनाव फिन हान्जानि फोथारआव ऑखारफिनगोनखौ फोरमायो। सिगां फार्से बिथाडा अलिम्पिकआव सनानि मेडल देरहानायखौ गाहाइ थांखि फोरमायनानै हान्जानि गेजेराव खौसेयै आवगायनायखौ फोरमायो। हान्जानि गाहाइ कच क्रेग पुल्टनआ अलिम्पिकनि थाखाय गावसोरनि सांग्रांथि जानायखौ फोरमायदों। मख'नो गोनानि, भारतीय हान्जाया थांनय बोसोराव हंजौ एसियान गोम्सआव सनानि मेडल देरहानानै पेरिस अलिम्पिकनि थाखाय क्वालिफाइ जादोंमोन। हान्जानि लेडाइ केपेन हार्दिक

सिंहआबो पेरिस गोम्सनि सिगां हान्जानि गेजेराव नुजानाय लोरबांथिफोरखौ सुद्रायनांगोनि गोनथिखौ फोरमायदों। बिथाडा अस्ट्रेलियासिम दावबायनायनिफ्राय गावसोरनि गोबां बिथिडव सोलायनो खाबु मोन्नायखौ फोरमायो। बेनि थाखाय बिथाडा केम्पआव बाहागो जानानै बेनि सायवनो हाबा मावगोनखौ फोरमायनानै जानो गोनानै पेरिस अलिम्पिकआव गावसोरनि मेडलनि गाबखौ सोलायनो नाजागोननि फोथायथि होयो। पेरिस अलिम्पिकआव भारतीय हान्जाया पुल-बिआव बारग' सेम्पियन बेल्लियाम, अस्ट्रेलिया, आर्जेन्टिना,

निउजिलेण्ड आरु आयरलेण्डजों लाखिजादों। भारतआ 27 जुलाइखालि निउजिलेण्डनि हे'थायै गावसोरनि गिबि मेच गेलेगोन आरो क्वार्टर फाइनलआव हाबनो थाखाय टप 4 आव जायगा आवग्रिनो नाजागोन।

## रियेल माद्रिदआ इउएफा सेम्पियन्स लीगनि सेमिफाइनलआव सौहैबाय

माद्रिद, 18 एप्रिल: रियेल माद्रिदआ इउएफा सेम्पियन्स लीगनि सेमिफाइनलआव सौहैबाय। माद्रिदिनि हान्जाया क्वार्टर फाइनलनि नैथि लेगनि बादायनायाव मन्वेस्टार सिटिखौ फेनालिस्ट शूटआउटआव फेजेदों। सेम्पियन्स लीगनि खेबनै क्वार्टर फाइनल मेचफोरनि नैथि लेगआ दिनेनिफ्राय जागायगोन। नैथि मेचआव जार्मार्नि क्लब बेयार्न मिउनिखआ इलेन्डनि क्लब आर्सेनेलेखौ फेजेदों। गुबुन फार्से मिउनिखआबो सिजननि सेमिफाइनलआव गावसोरनि मासिखौ रोखा खालामदों। माद्रिद आरो सिटिदिनि गेजेराव क्वार्टर फाइनलनि नैथि लेगनि मेचआव आबु समसिमाव 1-1 स्करआव ड्र जायो। बे मोननै हान्जाफोरनि गिबि लेगआ 3-3 स्करआव ड्रआव थादोंमोन। बेबादि थासारिआव क्वार्टर फाइनलनि फाइनल स्करिआ 4-4 आव थाहैयो। जायनि जाउनाव मोननै हान्जानि गेजेराव आवगायनायनि थांखियाव फेनालिस्ट शूटआउटनि मदद लानायाव माद्रिदआ सिटिखौ 4-3 स्करआव फेजेनो। नैथि लेगआव सिटिदिनि नख'रारि फोथार एटिहाट स्टेडियमआव गेलेनाय जायो। माद्रिदिनि रड्रिगाआ मेचनि 12 मिनटआव गल सोनानै हान्जाखौ

## सुर्य कुमार यादवनि नम्बर 1 मासिआ गिनांगौ थासारिआव फैदों

गोदान दिल्ली, 18 एप्रिल: भारतीय क्रिकेट हान्जानि स्टार बेट्समेन सुर्य कुमार यादवआ सोलिफु समाव गावनि जोखोमनिफ्राय मोजां जानायनि उनाव मुम्बाइ इन्डियान्सनि थाखाय आइपिएलनि मेचआव बाहागो जानानै दड। गुबुन फार्से पाकिस्तान आरो निउजिलेण्डनि गेजेराव खेव 5 टी-20 मेचनि सिरिजआबो जागासिनो दड। बे सिरिजनि गिबि मेचआ दिने मोनानि बिबि लिनि फ 1 य राउलपिन्डिआव जागोन। सुर्य कुमार यादवआ सोलिफु समाव आइसिसिनि टी-20 रैंकिंगआव नम्बर 1 बेट्समेन जानानै दडब्लाबो बिथानि बे मासिआ गिनांगौआव दड। मानोना पाकिस्ताननि केपेन बाबर आजम आरो महम्मद रिजवानआ बिथानि मासिखौ लानो हागौ। आइसिसि टी-20 रैंकिंगआव सुर्य कुमार यादवआ 861 रेटिजों



गिबि नम्बरआव जायगा मोन्दों। नाथाय बिथाडा थांनय बोसोराव 910 रेटिसिम सौहैदोंमोन। नाथाय बिथाडा माखासे समनिफ्राय इन्टारने सनेल क्रिकेटनिफ्राय जानगारआव थादों। नैथि नम्बरआव इलेण्डनि फिल्ड शाएल्टआ 802 रेटिजों जायगा आवग्रिनायनि उनाव थामथि आरो ब्रैथि नम्बरआव पाकिस्ताननि बेट्समेनफोरा जायगा आवग्रियो। पाकिस्ताननि उइकेट किपार बेट्समेन महम्मद रिजवानआ

800 रेटिजों थामथि नम्बरआव जायगा मोनो। थामहिनबा सुर्य कुमार आरो रिजवाननि गेजेराव 61 रेटिनि' फारगथि दसे। सुर्य कुमार यादवआ थोंजोडे फैगौ जुन दानआव जानो गोनानै टी-20 वर्ल्ड कापआव' ओं खारसिगोन। नाथाय रिजवानआ बेनि उनाव लान्थिये मेच गेलेगोन। निउजिलेण्डनि हे'थायै बिथाडा खेव 5 मेच गेलेनायनि उनाव आयरलेण्डनि हे'थायैबो टी-20 मेच गेलेनो मोन्नायनि खाबुजों रेटिजोंआव

आवगायनो खाबु मोनगोन। मोनसे जर'खा बाश्रया बेनोदि, निउजिलेण्डनि बांसिन मुंदांखा गेलेगिरिफोरानो भारतआव आइपिएल गेलेगसिनो दड। जाउनाव निउजिलेण्डनि हे'थायै बिथाडा मोजाडे दिन्थिफुनो खाबु मोनगोन। महम्मद रिजवाननि उनाव थामथि नम्बरआव केपेन बाबर आजमआ 764 रेटिजों जायगा मोनो। नाथाय सुर्य आरो बाबरनि गेजेराव गोबां रेटिनि फारगथि दड। नाथाय बाबरआ केपेन महरै बाहागो जानाय महरै अपेनि खालामफिनो हागौ। बेबादि समाव बिथाडाबो गोबां रान लानो खाबु मोनगोन। बे सिरिजनि उनाव खेव 5 मेच जोबनायनि उनाव टी-20 नि आइसिसि रैंकिंगआव जायगा मोनगोन गेलेगिरिफोरनि सावगारिआ रोखा जागोन।

## रेसलार साक्षि मालिकखौ टाइम मेगाजिनआ टप 100 गोहो गोरासिन सुबुंफोरनि गेजेराव जायगा होदों




गोदान दिल्ली, 18 एप्रिल: अलिम्पिक मेडलिस्ट भारतीय आइजो रेसलार साक्षि मालिकखौ टाइम मेगाजिनआ 2024 नि टप-100 बयनिखुड गोहो गोरासिन सुबुंफोरनि गेजेराव जायगा होदों। रेसलिनि फोथारआव भारतनिफ्राय सासेल' आइजो अलिम्पिक मेडलिस्ट साक्षिखौ भारतीय रेसलि फेडरेशननि बारग' आफादगिरि बृजभुषन चरन सिंहनि हे'थायै आइजो रेसलारफोरनि सायाव देहायारि सोमोन्दोनि नारसिन्थाय खालामनायनि हे'थायै जुजिनायनि थाखाय बे फारिलाइआव मेगाजिनआ जायगा होदों।

मेगाजिननि बे फारिलाइआव भारतनिफ्राय फावखुंग्रि आलिया भाट्ट, इन्ड-ब्रिटिस फावखुंग्रि देभ पाटेल आरो माइक्रोसफ्टनि गाहाइ बिबानगिरि सत्य नाडेलाखौबो जायगा होदों। साक्षिआ खेबनै वर्ल्ड सेम्पियनसिपआव ब्रन्ज मेडल देरहानाय भिनेश फगात आरो टकिय अलिम्पिकनि ब्रन्ज मेडलिस्ट बजर पुनियाजों जन्तर-मन्तरआव बृजभुषननि हे'थायै बिप्रायखानायखौ देदेंदोंमोन। बे समाव बिथाडा हदरनि आइजो रेसलारफोरखौ हुमखि होनाय आरो देहायारि नारसिन्थाय होनायनि अजदआव बिथानिखौ हमनो दाबि

खालामदोंमोन। जेराव बे बिप्रायनाया थांनय बोसोरनि जानुवारि दानआव जागायदोंमोन। बेनि उनाव चरन सिंहनि हे'थायै बे जुजिनाया लान्थिये 1 बोसोरसिम सोलिदों। जायनि फिथाइ महरै जोबनायाव चरन सिंहनि हे'थायै एफआइआर थिसन्नाय जायो। साक्षिआ गावसोरनि हे'थायै बिप्रायखानायनि सायाव गावसोरनि जुजिनायखौ आइजो रेसलारफोरनि थाखायल' नड होन्नानै फोरमायनायजों बे मोन्थायखौ भारतनि गासै आइजोफोरनि थाखाय मोन्थायनि दाबि दैखानाय फोरमायो। मख'नो गोनानि, चरन सिंहआ बिबाननिफ्राय बोख्लायजानायनि उनाव बिथानि खाथि सोमोन्दो थानाय सन्जय सिंहखौ डब्लिउएफआइनि आफादगिरि सायख'नाय जायो। सिंहआ डब्लिउएफआइनि कामान्डखौ सामलायनाय सानखालिनो साक्षिआ रेसलिनि फोथारनिफ्राय आजिरा लानायनि थांखि लादों।

माद्रिद आरो सिटिदिनि गेजेराव क्वार्टर फाइनलनि नैथि लेगनि मेचआव आबु समसिमाव 1-1 स्करआव ड्र जायो। बे मोननै हान्जाफोरनि गिबि लेगआ 3-3 स्करआव ड्रआव थादोंमोन। बेबादि थासारिआव क्वार्टर फाइनलनि फाइनल स्करिआ 4-4 आव थाहैयो। जायनि जाउनाव मोननै हान्जानि गेजेराव आवगायनायनि थांखियाव फेनालिस्ट शूटआउटनि मदद लानायाव माद्रिदआ सिटिखौ 4-3 स्करआव फेजेनो। नैथि लेगआव सिटिदिनि नख'रारि फोथार एटिहाट स्टेडियमआव गेलेनाय जायो। माद्रिदिनि रड्रिगाआ मेचनि 12 मिनटआव गल सोनानै हान्जाखौ



आवगायहोदोंब्लाबो सिटिदिनि स्टार मिडफिल्डर केभिन डि बूनेआ 76 मिनटआव गल सोनानै समान स्करिआव लाबोयो आरो बे स्करआनो जोबनायसिम थाहैयो। नैथि क्वार्टर फाइनल मेचनि नैथि लेगआव मिउनिखआ आर्सेनेलखौ 1-0 गलआव

फेजेदों। जार्मार्नि नख'रारि फोथार एलियान्ज एरिनायाव गेलेनाय नैथि लेगनि बादायनायाव गरसेल' गलखौ मिउनिखनि जशुआ किमिचआ गल सोदों। मोननैबो हान्जानि गेजेराव गिबि लेगआ 2-2 स्करआव समानआव थादोंमोन। जाउनाव मोननै हान्जानि क्वार्टर

फाइनलनि एग्रिगेट स्करआ 3-2 आव थाहैयो आरो मिउनिखआ देरहायो। राउन्ड अफ 16 निफ्राय लानानै सेमिफाइनलसिमनि बादायनायाव खेबनै लेगआव गेलेनाय जायो। जायनि गेजेराव 1-1 मेचफोरा मोननैबो क्लबनि नख'रारि फोथारआव

जायो। मोननैबो लेगखौ लानानै बांसिन गल सोनाय हान्जाया देरहानो हायो। मुलुगनि देरसिन फुटबल लीग सेम्पियन्स लीगनि थाखाय सोलिफु सिजनआ 32 थि सिजन जानानै दड। जायनि सेम्पियन हान्जाखौ फैगौ 10 जुनआव मोनहैगोन। बे लीगआ 1955-56 आव जागायदोंमोन। बे समाव इउरपियान इउनियन अफ फुटबल एस'सिएसननिफ्राय खुंजानाय बे लीगनि मुखौ इउरपियान सेम्पियन्स काप मुंजों मिथिनाय जायोमोन। बे लीगनि मुखौ 1992 आव सोलायनानै इउएफा सेम्पियन्स लीग दोनाय जायो। खेबफ्रोम सिजनआव बे लीगआव मोन 32 हान्जाफोरा बाहागो लायो। जेराव बैफोर हान्जाफोरखौ मोन 8 ग्रुपआव रानाय जायो।

## सिएसकेनि हान्जाया जेनायाव गोव्लैदों

गोदान दिल्ली, 18 एप्रिल: आइपिएलनि खावसे सिजनआ जोबनानै थांबाय। बेजों लोगोसेनो हान्जाफोरनि गेजेराव उन-सिगां जानायजों प्ले अफ आव जायगा मोनगोननि सावगारिफोराबो सोराडाव फैगसिनो। गुबुन माखासे हान्जाफोरा मोजाडै दिन्थिफु'दोंब्ला माखासे आ गाञ्चि फर्मनि जेनायाव



गोर्लैनानै दड। बेबादि थासारियावनो ऋतुराज दायकवाडनि केपेनआव दैदेनजानाय चेन्नाइ सुपार किंसआ जेनायाव गोर्लैदों। मानोना धावेन कनवेआ आबु आइपिएल सिजननि फ 1 य नो जानगारनायाव हान्जाया रिप्लेसमेंटनि थाखाय फोसावबाय। बिथानि जायगायाव इलेण्डनि फास्ट बलार रिचार्ड ग्लिसनखौ हान्जायाव थिसनबाय। कनवेआ थांनय माखासे साननिफ्रायनो जोखोमआव गोर्लैनानै दड। सिएसकेनि थाखाय थांनय बोसोरनैनिफ्रायनो गेलेनाय कनवेनि सायाव सिगांनो खौरां ओंखारनाय बादिब्ला,

बिथाडा खमैब्लाबो खावसे सिजननिफ्राय जानगाराव थांनगोन। नाथाय बेबादि थासारिनि जाउनावबो गोबाडानो बिथानिखौ मोजां जाफिनगोननि मिजिथिनाय समावनो बिथानि आबु सिजननिफ्राय जानखारनाय खोराडा सोराडाव फैदों। 2023 नि सिजनआव कनवेआ गावनि हान्जानि थाखाय बांसिन रान खालामदोंमोन। गुबुन फार्से रिचार्डआ सासे फास्ट बलार महरै इलेण्डनि थाखाय गेलेनाय टी-20 इन्टारने सनेलनि खेव 6 मेचआव 9 उइकेट लानानै गावनि फर्मखो फोरमानआव लाबोखांवाय। बेबादि थासारिआव कनवेनि

जायै आव निउजिलेण्डनिनो रसिन रबिन्दिनि केपेनआव ऋतुराज गायकवाडजों बिथाडा गेलेनो हागौ। जेराव गायकवाडआ आथिखालाव मोजाडै दिन्थिफु'गासिनो दड। गिबि खेव आइपिएलआव सिएसकेनि सामलायदों। बिथानि केपेनआव हान्जाया दासिमाव खेव 6 मेच गेलेनायाव खेव 4 देरहानानै 8 पइन्ट आर्जिबाय आरो पइन्टनि फारिलाइआव थामथि मासिआवनो जायगा मोन्दों। दासिमाव दिन्थिफु'नायखौ नोजोर होयोब्ला बे हान्जाखौ प्ले अफ आव सौहैगोननि मिजिथि लानो हायो।

## केन्डिडेटस चैस टूर्नामेन्टआव गुकेशआ जुथायै नैथि मासिआव

गोदान दिल्ली, 18 एप्रिल: केन्डिडेटस चैस टूर्नामेन्टनि 11 राउन्डआव ग्रेन्ड मास्टार डि गुकेशआ टप रैंकिनि फेभियान' कारुवानाजों ड्र गेलेनायनि उनाव जुथायै नैथि नम्बरआव दावखलायनानै फैयो। गुबुन फार्से भारतनिनो आर प्रज्ञानन्द आरो भिदित गुजरातिआ जेन्नाडे। प्रज्ञानन्दखौ आमेरिकानि नाकामुरा आरो गुजरातिखौ रसियानि यान नेपमिन्याश्वीआ फेजेनो। गुबुन बादायनायाव फ्रान्सनि फिर'जा आलिरजाआ आजारबेजाननि निजात अबासबखौ फेजेदों। बे



टूर्नामेन्टआव खेव 3 राउन्ड बादायनांगौ दंबावो। बे टूर्नामेन्टआव नेपमिन्याश्वीखौ लान्थिये थामथि खेव बिमुं

देरहागोननि मिजिथि लादों। रसियानि सायाव होबथानायनि जाउनाव बिथाडा निउट्रेल गेलेगिरि महरै बाहागो

जागोन। बिथाडा आथिखालाव 11 नि गेजेराव 7 पइन्टजों आवगायनानै दड। जायनि फारिआव

कारुवाना, नाकामुरा आरो गुकेशआ बिथानि गोबां उनाव जायगा मोन्दों। प्रज्ञानन्दआ 5.5 आरो गुजरातिआ 5 पइन्ट आर्जिनानै दड। आइजो केटेगिआव चीननि झंग्यी तानआ आवगायनानै दड। बिथानि उनाव समान रैंकिनि टि लेइआ नैथि मासिआव जायगा मोनो। भारतनि आर भैशालीआ टप रैंकिनि रसियानि आलेक्जेन्ड्र गरियासिकनाखौ आरो कनेरु हम्पेआ बुल्गारियानि नुरुगुल सलिमुबाखौ फेजेन्नानै बिथानिमोननि उनाव जायगा मोनो।